

廿二史劄記卷十三

陽湖

趙翼

讀書

卷十三

魏書多曲筆

魏收仕於北齊修史正在齊文宣時

高在魏朝時事必曲為迴護如孝莊紀建議元年書齊

獻武王高歡與于暉等大破羊侃於瑕邱北史二年書齊獻

武王與上黨王天穆大破邢杲於濟南杲降送京斬於

都市北史前廢帝絕普泰元年書齊獻武王以爾朱榮逆

亂興義於信都北史又爾朱榮傳內書河陰之役榮欲篡

立齊獻武王及司馬子如勸止之乃仍奉莊帝北史謂劉靈

不及高此皆深著齊神武之功也孝武西遷為西魏神武

廿二史劄記 卷十三 魏齊周隋書并七史

立孝靜帝為東魏則於西魏之君臣率多貶詞孝武之

殂則書宇文黑獺即孝既害出帝即孝乃以南陽王寶炬借

尊號即孝斛斯椿隨入關北史載其死後家無餘貲而魏

收書則謂其狡獪多事好亂樂禍朝野莫不疾之賀拔

勝自魏奔梁又自梁歸西魏感梁武之德見烏之南飛

者亦不忍射玉璧之戰追逐齊神武幾獲之北史謂其

垂翅江左憂魏室之危亡奮翼關西感梁朝之顧遇是

固君子人也魏收書則謂其奸行小數志大肥薄周章

南北終無所成致歿於賊中此皆以其仕於西魏故肆

為詆訾當時已謂其黨齊毀魏褒貶肆情則其曲筆可

知也至孝靜帝紀歷敘高澄無禮於帝及帝遜位於齊

文宣時與宮嬪泣別乘一犢車而去後文宣行幸常以帝自隨竟遇酖而崩等語按魏收修書正在文宣時方諂齊之不暇豈敢直書其事此必非收原本乃後人取北史之文以足之惟后妃傳內孝靜帝后高氏本神武之女文宣妹也而書帝崩後下嫁楊遵彥亦似略無忌諱故叢考前編謂非收原本今細按之正見收之諂附遵彥欲以見其聯姻帝室之榮則此傳實係收書非抄北史之文也遵彥楊愔字也史家書名不書字今獨書其字尤見其諂愔而不敢書名也然則收之書趨附避諱是非不公真所謂穢史也

孝武帝與高歡不協而西遷既入關因閨門無禮爲

廿二史劄記

卷十三

魏齊周隋書并北史

二

宇文泰所酖魏收在齊修魏書宜乎詳著其醜乃出帝紀即孝武帝並不敘及但云帝爲宇文黑獺所害是猶存諱惡之義或收修書時孝武閨門之事尙未聞於齊

故耶

魏書紀傳互異處

魏書道武宣穆皇后傳

明元帝之母劉貴人

魏故事後宮產子將爲

儲貳其母皆賜死故后以舊法薨然考紀傳道武以前

未有此事明元本紀載道武將立明元爲太子召而告

之曰昔漢武將立其子而殺其母不令婦人與國政也

汝當繼統故吾遠同漢武於是劉貴人死明元悲不自

勝據此則立子先殺其母之例實自道武始也徧檢魏

書道武以前實無此例而傳何以云魏故事耶北史亦同此誤

爾朱榮傳

北史魏諸臣傳多與魏收書相同惟爾朱榮傳當時謂榮子文暢遺收金請爲其父作佳傳收論內遂有若修德義之風則韋彭伊霍夫何足數等語故北史此傳多有改訂今按收書大概著其功而減其惡先敘其討破萬子乞真句番和婆喻嶮句乞步落堅胡劉阿如句敕勒北列步若句勒勤斛律洛陽句費也頭牧子等詳悉不遺至葛榮作亂則載其請討一疏明帝之殂則載其請誅徐紇鄭儼一疏立莊帝後載帝加以柱國大將軍

廿二史劄記

卷十三

魏齊周隋書異北史

三

一詔擒葛榮後載帝加以大丞相一詔又進位太師一詔平元顥後載帝加以天柱大將軍一詔及榮死後又載廢帝追贈三詔而於榮肆橫無君違克濫殺及莊帝畏逼憂禍潛謀殺榮之事則不甚詳使閱者但覺功多罪少此收之舞文也北史則於討破萬子乞真等小賊不過櫟括數語其疏與詔一切刪除此本北史體例如是非專略於榮傳而河陰之殺朝臣魏書謂于三百人北史謂二千餘人及莊帝殺榮之事詳敘之歷歷如繪自是功罪各不相掩然收書河陰之役榮殺帝兄弟並幽帝於別帳將弑之已使趙元則作禪文因鑄已象不成乃還奉莊帝之處亦終不能稍諱則亦未大失實也惟榮女先爲明帝嬪榮欲以爲莊帝后帝從祖

瑩言立之此事榮傳中竟絕無一字則以此后後爲齊神武所納故諱之然則收非曲徇爾朱乃曲徇高氏耳

西魏書

魏自胡太后臨朝孝明帝崩後爾朱榮起兵沈太后少帝於河立長樂王子攸是爲孝莊帝帝以榮肆橫手殺之爾朱兆等稱兵害帝立長廣王奕又以奕詔禪位於廣陵王恭是爲節閔帝魏書謂前廢帝高歡起兵討爾朱氏廢節閔而立平陽王修是爲孝武帝未幾帝與歡不協乃西遷關中依宇文泰歡別立清河王亶子善見爲帝是爲東魏而孝武爲西魏按歡廢節閔時會朝臣議僉謂孝文不可無後故立孝武天下共以爲主己三年始西遷

廿二史劄記

卷十三

魏齊周隋書并北史

四

是魏統自應屬孝武孝武崩文帝立文帝崩廢帝恭帝繼之皆魏之正統也魏收在北齊修魏書欲以齊繼魏爲正統故自孝武後卽以東魏孝靜帝繼之而孝武後諸帝不復作紀此收之私見也魏澹作魏書以西魏爲正統自是正論惜其書不傳故西魏文帝等紀年紀事轉見於周文帝舉紀內幸北史增文帝諸紀名分始正而魏書究不得爲完書近日謝蘊山藩伯另撰西魏書以次于魏書之後誠得史裁之正也其採掇亦甚詳可稱良史惟列傳尙有遺漏如八柱國內少李弼獨孤信趙貴侯莫陳崇十二大將軍內少侯莫陳順宇文遵達奚武李遠豆盧寧宇文貴楊忠王雄按柱國本爾朱榮

官號榮敗後此官遂廢魏文帝以宇文泰功大始命爲之其後功參佐命望實俱重者亦居此職自大統十六年以前任者凡八人秦統百揆元欣皇族其餘六人各督二大將軍分掌禁旅出則征伐是諸臣乃大統十六年以前功臣雖皆宇文泰擢用然是時魏祚未移泰亦尙爲魏臣諸人方與秦比肩事魏則皆西魏臣也豈得無傳又蘇綽在魏徃周禮定官制與盧辨同事今綽有傳而辨無傳亦屬掛漏會屬蘊山補之未知增入否

附答書

謝啟昆

前過常州快聆塵論得慰積懷昨惠手書過蒙期許拙詩復寵以序文感何如之承示西魏書掛漏處極費清

廿二史劄記

卷十三

魏齊周隋書并北史

五

心所有宗室內少元育元贊八柱國內少李弼獨孤信等十二大將軍內少侯莫陳順等誠屬疎略然斷代爲書列傳當有限制嘗怪漢之臧洪陶謙荀彧公孫瓚董卓袁諸人皆未臣魏陳壽載之魏志殊失史裁范蔚宗收入後漢書是也然黃初諸臣會仕建安者甚多使俱入漢書則無此義例矣弟爲此書之初搜羅周隋兩朝之會仕西魏者凡三百餘人周書列傳非西魏臣者十無一二勢難廢周書而改爲西魏故拙撰列傳以宇文受禪爲斷其下仕周隋者卽不立傳雖尉遲迥獨孤信輩勳業爛然亦從刪削然封爵表載其爵秩大事異域表載其勳略柱國大將軍之制裁於百官考似可與

列傳互爲補苴不致缺漏矣此區區作書之旨不識高明以爲然否大抵吾輩著書得失參半一人見識既單精力有限不得良友正之則疑無從改訂尙所不吝教言尤苟高誼吾兄近日著述如已脫稿亦望寄示或可效一得之愚也諸惟鑒原是幸

答謝蘊山藩伯書

承示西魏書斷自宇文受禪而以僕所指入柱國十二大將軍有不能盡入西魏者具見斟酌苦心僕深愧考核未精妄參末議矣漢以後數朝皆以禪代爲革命其臣多歷仕前後兩朝故作史者必先立限斷晉武時議立晉書限斷荀勗欲以魏正始爲斷王瓚欲以嘉平爲

廿二史劄記

卷十三

魏齊周隋書并北史

六

斷賈誼欲以秦始爲斷後因張華謂宜用正始其議遂定徐爰宋書舊本列晉末諸臣及叛賊并劉毅等與宋武同起義者沈約修宋書以桓元焦縱盧循身爲晉賊無關後代吳隱邨僧施義止前朝不宜入宋劉毅何無忌諸葛長民魏詠之檀憑之志在匡晉亦非宋臣遂一概刪却此皆古人先立限斷之法足下西魏書以宇文受禪爲斷可謂扼要矣然亦有未可盡拘者陳壽魏志列入漢末諸臣董卓陶謙呂布二袁劉表等誠有如足下所云殊失史裁然壽作三國志時後漢尙未有正史而諸臣事多與曹操相涉不立傳則記載不明故彷彿記項羽陳涉之例遂列漢臣于魏志及范蔚宗出悉收

八後漢書而後漢魏兩朝人物燦若列眉足下西魏書
列斛斯椿賈顯度賀拔勝等傳正用范書例也而范書
中有荀彧一傳或出仕卽參曹操軍事始終爲其謀主
佐成大業則聽其傳于魏志可矣而蔚宗以其心存漢
朝阻魏九錫特入于漢臣內此又作史者于限斷之中
寓變通之例今西魏八柱國十二大將軍雖多字文泰
擢用其後又多仕于周者然其先則與秦同官魏朝且
泰于魏文帝時尙不失臣節其出師嘗奉魏帝以行所
徃周禮六官亦必奏而後著爲令非如操之目無漢獻
也則與秦同立功于西魏者尙皆魏臣况李弼侯莫陳
順當周閔帝受禪之年卽卒趙貴獨孤信并以謀殺字

廿二史劄記 卷十三 魏齊周隋書并北史

文護而被害似不得盡指爲周臣而西魏書不列傳也
如以仕周者不終于魏則有新唐書傳趙光允王處直
之例在二人皆唐臣後歷仕朱梁後唐而新唐書仍爲
立傳光允則敘其歷官知制誥而止處直則敘其天復
初封太原郡王而止以此宜猶是唐所授以後則不復
敘也否則有隋唐正書各傳裴矩之例在矩入唐爲民
部尚書唐人修隋書以其在隋朝事蹟最多特爲立傳
後宋祁以其說曹且舉山東之地歸唐又爲立傳于唐
書是古人兩傳古亦有此例西魏達奚武入周有迎齊
將司馬消難拒斛律敦等功而其先戰沙苑戰河橋斬
齊將高敖曹敗梁將蕭循皆魏朝事也豆盧寧入周有

討稽胡劉彖德等功然其先從擒竇泰復宏農破沙苑
平梁岌定討乙鐵忽皆魏朝事也楊忠入周有破齊師
于晉陽等功而其先從平潼關破回洛城斬齊將辛纂
擒梁將柳仲禮皆魏朝事也宇文貴入周但有討吐谷
渾之功而其先從爾朱榮擒葛榮平邢杲拒元顥則尙
在孝武以前及從孝武入關授賀若統敗堯雄走任祥
降是云寶亦皆魏朝事魏文帝以金卮置候上射中者
賜之貴一發而中帝卽賜貴且獎諭之則更爲魏帝所
寵任者竊意此諸人仍應補傳于西魏但敘其在魏立
功之處而入周後事蹟周書本有傳固不妨並存似與
隋唐二書傳裴矩趙光允王處直之例相合不必以其

廿二史劄記

卷十三

魏齊周隋事并北史

八

曾仕周遂不入魏書也前後五代之人多歷仕數朝最
難位置如後五代時張全義附梁最密而薛居正以其
再仕後唐則入于唐臣傳馮道歷仕數朝居正以其歿
于周亦入于周臣傳終覺未妥故歐陽修另立雜傳以
處之今以仕周者遂不入魏書意雖嚴而事未備也且
前代各史凡手創帝業身未爲帝至其子始禪代者皆
聽其入新朝紀內而前朝不復立傳如後漢書不立曹
操傳魏志不立司馬懿父子傳後魏書不立高歡傳是
也今西魏書以宇文泰爲西魏功臣之首特爲立傳此
與後周書立楊忠傳同一卓識泰旣立傳於西魏而與
泰同仕魏朝同受魏封之人反以其仕周遺之轉不免

爾全書之缺矣承諭著書必資友朋訂正此誠大人光
生虛懷集益之雅量故僕敢再進讜說以就正有道焉
北史魏書多以魏收書爲本

李延壽修北史時魏收魏澹二書並存史稱澹書義例
極嚴則延壽魏史自應以澹書爲本乃今與魏收書一

一核對惟道武太武獻文之列及以西魏爲正統

昭成帝
爲其子

實君所弑魏書但云二十九年十一月帝至雲中旬有二日帝崩北史則云墓子實
君作亂帝暴崩道武爲清河王紹所弑魏書但云冬十月戊辰帝崩於天安殿年
三十九北史則云清河王紹作亂帝崩太武爲中常侍宗愛所弑魏書但云正平
二年三月甲寅帝崩於永安宮年四十五北史則云中常侍宗愛搆逆帝崩歐文
爲文明太后所害魏書但云承明元年二月三帝崩於永安殿北史則書文明太
后有職於帝所崩魏書曰帝之後即接以東魏孝靜帝而出帝後諸帝不書北史
則孝武帝後雖出有文帝廢帝恭帝三本紀此蓋用魏澹之例澹書以西魏
恭帝遷位西魏亡始列東魏孝靜帝本紀爲高文以道武諸帝並遭非命簡史立紀不異善終終主當君
莫知名姓則亂臣賊子將何所懼今分明直書不敢迴避云其他紀傳則

廿二史劄記卷十三 魏齊周隋書并北史

九

多本魏收書但刪繁就簡耳推原其故蓋魏收修史在
北齊時凡魏朝記載如鄧淵崔浩高允所作編年書李
彪崔光所作紀傳表志邢巒崔鴻王遵業所作高祖起
居注溫子昇所作莊帝紀元暉業所作辨宗室錄卷帙
具在足資採輯故其書較爲詳備及書成則盡焚崔李
等舊書於是收書獨存而魏澹續修亦僅能改其義例
之不當者而年月件繫事實則固不能舍收書而別有
所取也是知澹書已悉本收書延壽又在澹後自不得
不以收書爲本故敘事大略相同也

按孝明帝之崩本胡太后倖臣鄭儼徐紇所爲魏收
書及北史本紀皆不見其迹但云武泰元年二月癸

已帝崩於顯陽殿而已是北史例亦不盡一又晉書
苻堅載記堅遣俱難鄧羌等討涉翼犍即魏書
作翼犍涉翼犍
戰敗遁於陰山其子翼珪縛父以降堅以涉翼犍荒
俗未知禮義令入太學習禮以翼珪執父不孝遷於
蜀此事魏收書本紀既不載北史亦不書

北史改編各傳

北史編次各傳多有與正史異者魏齊隋俱有外戚傳
北史以魏之劉羅辰李峻于勁李延實齊之婁叡爾朱
文暢鄭仲禮李祖昇元蠻隋之獨孤羅蕭歸各附其家
傳惟魏之賀訥姚黃眉杜超賀迷閻昆馮熙李惠高肇
胡國珍齊之趙猛胡長仁入外戚傳周書無
外戚傳魏書文苑傳

廿二史劄記

卷十三

魏齊周隋書并北史

十

有袁躍裴敬憲盧觀封肅邢臧裴伯茂邢昕溫子昇北
史惟取子昇其餘各附其家傳齊書文苑傳有祖鴻勳
李廣樊遜劉遜荀士遜顏之推北史惟取祖李樊荀其
餘亦各附其家傳周書無文苑傳北史取王褒庾信顏
之推及弟之儀之推本在北齊文苑內後
又仕周故北史編人周代隋書文學傳有劉臻

崔儵王類諸葛穎王貞孫萬壽虞綽王胄庾自直潘徽

北史則取劉臻諸葛穎王貞虞綽王胄庾自直潘徽又

增虞世基許善心柳詵明克讓爲文苑傳而崔儵王類

孫萬壽各從其家傳魏書有孝感傳趙談長孫慮乞伏

保孫益德董洛生楊引閻允明吳悉達王續生李顯達

倉坂張昇王崇郭文恭也周書有孝義傳李棠柳檜杜

叔毘荆可秦族皇甫暹張元也隋書有孝義傳陸彥師
田德懋薛濬王頌田翼楊慶郭世俊紐因劉仕儁郟方
貴翟普林李德饒華秋徐孝肅也北史則以趙談李棠
柳檜杜叔毗陸彥師李德饒入別傳及家傳其餘作孝
行傳魏書藝術傳晁崇張勝殷紹王早耿元劉靈助江
式周滌李修徐容王顯崔彧蔣少游也齊書方技傳由
吾道榮王春信都芳宋景業許遵吳遵世趙輔和皇甫
玉解法選魏寧綦母懷文張子信馬嗣明也周書藝術
傳冀儁蔣昇姚僧坦黎景熙趙文深褚該強練也隋書
藝術傳庾季才盧太翼耿詢韋鼎來和蕭吉張胄元許
智藏萬寶常也北史則以江式崔彧冀儁黎景熙趙文
廿二史劄記 卷十三 魏齊周隋書并北史 十一

深各編列傳又增沙門靈遠李順興檀特師顏惡頭并
以陸法和徐之才何稠共爲藝術傳其餘入別傳及家
傳魏書酷吏傳于洛侯胡泥李洪之高遵張赦提羊祉
崔暹郟道元谷楷也齊書酷吏傳郟珍宋游道盧斐畢
義雲也周書酷吏傳王文同也北史則以高遵羊祉郟
道元谷楷宋游道盧斐畢義雲各從其家傳其餘入酷
吏傳

北史全用隋書

北史於魏齊周正史間有改訂之處惟於隋則全用隋
書略爲刪節並無改正且多有迴護之處如隋文帝之
篡隋書本紀既循照歷代國史舊式敘九錫文禪位詔

并帝三讓乃受絕不見攘奪之跡矣北史亦一一照本抄騰略無一語差異祇刪去九錫文以省繁冗而已文帝殺宇文諸王周書謂諸王皆以謀執政被害而北史則第書誅陳王純誅代王達誅滕王道一似有罪而伏法者帝卽位後封靜帝爲介國公年方九歲開皇元年祖周書謂隋志也而北史但書介國公薨上舉哀於朝堂謚曰周靜帝一似善終而加以恩禮者其於文帝之崩書帝疾甚與百寮辭訣握手歔歔崩於大寶殿又載遺詔一篇有惡子孫已爲百姓除去今嗣位者乃好子孫等語一似憑几末命壽考令終並非遭害者煬帝紀亦但書高祖崩上卽位於仁壽宮而煬帝使張衡侍疾

廿二史劄記

卷十三

魏齊周隋書并北史

十三

南北史兩國交兵不詳載

南北史以簡淨爲主大概就各朝正史刪十之三四如每代革易之際以禪讓爲篡奪者必有九錫文三讓表禪位詔冊陳陳相因遂成一定格式南北史則刪之而僅存一二詔策其他列傳內文詞無關輕重者亦多裁汰如許善心神雀賦隋書全載原文北史但記其事而不載其賦如此類者不一而足宋子京所謂刊落釀詞過舊書遠甚者也其於南北交兵事尤多刪削今卽以北史與魏史校對如魏書明元帝泰常七年魏攻滑臺宋將王景度棄城走八年克虎牢獲宋將毛德祖等此輩少帝景平元年宋書書魏軍克虎牢執可州刺史毛德祖以去南史却不書太武帝神麈元年宋將王仲

廿二史劄記

卷十三

魏齊周隋書并北史

三

德寇濟陽王元謨竺靈秀寇滎陽魏兵擊破之四年安頡平滑臺擒宋將朱修之李元德等追檀道濟至歷城

而還

此事在宋元嘉八年宋書書滑臺復爲索虜所陷檀道濟引兵還

太平真君四年皮豹子等

破宋兵于濁水七年永昌王仁擒宋將王章于高平十一年仁斬宋將劉坦之于汝東宋將蕭斌之寇濟州王買德棄城走斌之入城遣王元謨寇滑臺帝南伐遣長孫真率騎五千赴之元謨斌之皆遁乃命諸將並進宋將臧盾拒守燕王譚破其援兵胡崇之永昌王又攻拔懸瓠車駕至淮斬宋將唐德祖遂至瓜步宋人大懼獻百宰請進女皇孫以求和帝以師婚非禮許和而不許婚北史俱不書但云帝南征命諸將分道並進所至城

邑皆下起行宮于瓜步宋文帝遣使進百牢並請進女
帝許和而不許婚又如孝文帝太和四年齊將崔文仲
陷壽春崔慧景寇武興魏詔元嘉等南討破齊將盧紹
之于朐山又詔馮熙等出正陽賀羅出鍾離諸將擊破
齊將桓康於淮陽俘三萬餘人北史亦不詳載但云元
嘉破齊軍俘三萬口十三年齊將陳顯達陷醴陽左僕
射穆亮討之十五年齊兵寇淮陽太守王僧雋擊走之
二十一年帝畱諸將攻赭陽自至宛城尅其郛至新野
築長圍困之大破齊將於河北二十二年齊將蔡道福
成公期胡松等各棄地遁走又攻宛城拔之其將房伯
玉出降齊將裴叔業寇渦陽詔鄭思明救之二十三年

廿二史劄記

卷十三

魏齊周隋書并北史

十四

齊將陳顯達寇潁州詔元英討之顯達陷馬園車駕南
伐顯達遁走北史皆不書宣武帝正始元年梁將姜慶
真陷壽春外郭州兵擊走之統軍劉思祖大破梁兵于
邵陽擒其將趙景悅等元英又破梁將王僧炳于樊城
又破梁將馬仙琕于義陽拔之北史皆不書但書破馬
仙琕一事而已二年邢巒擒梁將范始男等王足斬梁
將王明達等薛真度又破梁將王超宗等北史俱不書
但云頻大破之是年又詔中山王英南討襄河三年梁
將王茂先寇荊州詔楊大眼討之斬其將王花等茂先
遁追至漢水拔其王城梁將張惠紹陷宿豫章叡陷合
肥詔尙書元遙南討奚康生破張惠紹斬其將宋黑中

山王英破其將王伯敖那嚮破其將桓和于孤山諸將別克固城蒙山兗州平邢嚮敗梁兵于衛豫張惠紹棄宿豫蕭炳棄淮陽南走徐州平中山王英大破梁軍于淮南梁臨川王宏等棄淮東走遂攻鍾離四年鍾離大水英敗績而回北史皆不書但書命中山王英南討破梁將王伯敖及副鍾離因大水敗回而已淮陽之役臨川王宏大兵逃回實兩國大事乃亦不書蓋延壽敘事專以簡括爲主固不能一一詳書且南北交兵各自誇勝諱敗國史固各記其所記延壽則合南北皆出其一手惟恐照本抄謄一經核對則事迹多不相符故也卽如齊神武紀神武圍王思政于玉壁欲以致敵西師不敢出乃班師而周文紀謂周文聞齊神武至玉壁乃出軍蒲坂神武卽退是西師未嘗不敢出也芒山之戰齊紀謂神武大敗周文俘斬六萬會有軍士奔西軍告以神武所在西軍盡銳來攻神武幾爲質拔勝所獲僅而免是東軍先勝而後敗也周紀則云齊神武陣芒山數日不進周文率軍夜登山未明而擊之神武爲賀拔勝所逐僅免而趙貴等五軍居右戰不利齊神武合軍再戰周文又不利是西魏軍亦先勝後敗兩紀相校則周紀少敘先爲東軍所敗一節齊紀又少敘再戰而敗西軍一節致不相合且齊神武奔脫後合兵再戰周文不利之處應敘于齊紀以誇勝乃反敘于周紀而齊紀不

廿二史劄記

卷三

魏齊周隋書并北史

五

書此戰之後齊紀謂神武遣劉豐狗地至宏農而還周紀謂齊神武自至陝達奚武禦之乃退亦不相符可見作史之難兩國交涉處一經校對輒多罅隙宜乎延壽之不敢詳書也

按北史太略亦有不明處如魏宣武帝景明年齊將陳伯之自梁城南奔一伯之也何以忽南忽北魏書則景明年書伯之來降正始元年伯之破梁將趙祖悅及呂義之三月伯之自梁城南奔則其先降北而始元年較為明析北史不書其降魏一節殊無來歷若以伯之降魏事小故不書然正始元年梁將吳侯邁運陳策中來降何以又書也

北史與魏齊周隋書岐互處

北史與魏齊周隋各史比對大略相同間有小異處今為摘出魏書神元帝遣子文帝景如魏是歲魏景元二年也北史則謂遣文帝如晉是歲晉景元二年也按景元尚是魏陳畱王年號魏書以屬魏從其名也是時權

廿二史劄記

卷十三

魏齊周隋書并北史

六

已在晉北史以屬晉從其實也魏書凡宗室皆係以元姓如元觚元儀元題之類是也按拓跋之改姓元乃孝文帝時事道武以來固未嘗有此乃以後來所改之姓追敘于未改之前殊屬倒裝北史則書秦王觚東平公儀襄城公題較為得實爾朱榮河陰之殺朝士魏書謂責百官以明帝被害之故北史謂榮妄言高陽王雍欲反故殺之周書楊忠傳忠從獨孤信破穰城居半年以東魏之逼與信俱奔梁後從梁歸關中周文召居帳下是奔梁後方歸西魏也北史云東魏之逼忠與信俱歸關中周文召居帳下則刪却奔梁一節未免過求簡淨之失其他與正史稍有歧互者魏孝文帝南伐魏書步騎

百餘萬北史作三十餘萬齊文宣逼魏孝靜帝禪位魏書有襄城王旭入奏請靜帝法堯禪舜北史作襄城王景西魏克南鄭周書謂梁蕭衍降北史作蕭修周書文帝紀有沃野賊衛可孤北史作衛可瓌宏農之戰周書謂斬東魏將李徽伯北史謂擒李徽伯此皆稍有差異之處延壽自序謂正史外又勘究雜史千餘卷故有此改訂也

北史書法與周隋書不同處

周書文帝紀內魏大統十二年齊神武圍玉壁不克以疾班師十三年春遂殂十五年侯景弑梁武帝十六年齊文宣廢魏孝靜而自立北史周紀皆不書以是時周

廿二史劄記

卷十三

魏齊周隋書并北史

七

文帝尙爲魏臣諸事皆書於魏史故也隋書文帝紀專敘文帝事而其父忠立功於周室之處不敘以周書已立忠傳也北史則於周代不立忠傳而以忠事敘於隋文紀內周書文帝孝閔帝明帝三本紀各爲一論北史則三帝合爲一論而論詞仍櫟括周書三論用之周書武帝宣帝靜帝紀各爲一論北史亦櫟括其語爲一論至如隋文帝煬帝恭帝紀論則全用隋書一字不易惟文帝論開首龍德在田奇表見異八字換以樹基立本積德累仁耳然隋文以詭詐攘位有何積德累仁耶

北史紀傳互異處

隋書文帝本紀周五王謀隋文帝帝以酒肴造趙王招

觀其指趣王伏甲於卧內賴元胄以免是文帝知招欲謀害故以酒肴赴之以觀其意也元胄傳則云招欲害帝帝不之知乃將酒肴詣其宅則已與紀異矣周書趙王招傳云招邀隋文帝至第飲於寢室則又非隋文之以酒肴赴之也周隋書各記所記故不同如此北史則延壽一手所成乃此等處全抄舊文初不檢點遂亦岐互

大業十四年

隋煬帝江都之難在大業十四年而隋書及北史只書十三年者緣十三年唐高祖起兵入長安奉代王侑爲帝改元義寧而煬帝大業之號已從削除修史者皆唐廿二史劄記卷十三魏齊周隋書并北史大
臣自應遵本朝之制以義寧紀年而煬帝之被弑轉書于義寧二年之內其實天下共主一目尙存終當稱其年號則大業十四年不可沒也

太上皇帝

太上皇本漢高祖有天下後奉其父太公之稱非太公有天下傳於子而有是稱也

漢書高帝詔曰父有天下傳歸於子子有天下尊歸於父此人道之極也今公

卿大夫已尊朕爲皇帝而太公未有尊號今上太公曰太上皇蔡邕曰太上皇不言帝非天子也顏師古曰天子之父故號曰皇不預政治故不曰帝也又三國志王肅議曰漢總帝王之號號曰皇帝有別稱帝無別稱皇者高祖時其父見在而使稱皇則皇是稱善也裴松之註漢祖尊其父爲皇其實貴而無位高而無民比之於帝實稍遜也其以天下傳子而稱太上皇帝者各史所載其

十四君今記於左

按左傳晉景公有疾立太子州蒲爲君會諸侯伐鄭史記趙武靈王傳國於子惠文王自稱王父此實內禪之

始然未有太上之稱故不列他如梁司馬倫遜惠帝於金墉城號曰太上皇唐高祖立隋代王侑尊煬帝爲太上皇此皆僭亂革易時事名同而實異更不可列入內禪

之內也

呂光即天王位年號龍飛在位十年以老病立子紹為

天王自稱太上皇帝

晉書

後魏獻文帝即位後雅薄時務常有遺世之心在位七

年年十七即內禪使太保陸馥大尉源賀奉皇帝璽綬

冊命皇太子升帝位

是為孝文皇帝時年僅五歲

羣臣奏曰昔三皇之世

淡泊無為故漢高祖尊其父曰太上皇不統天下今皇

帝幼冲萬幾大政猶宜陛下總之謹上尊號曰太上皇

帝帝乃從之遂徙居崇光宮承椽不斲土階而已國之

大事仍以奏聞孝文帝每月一朝崇光宮後改稱寧光

宮其後討蠕蠕拾寅等事獻文帝仍躬御戎車承明二

廿二史劄記

卷十三

魏齊周隋書并北史

九

年崩年二十三

魏書

北齊武成帝即位五年

年二十

以天文有變太史奏當有

變易祖珽乃上表言陛下雖貴為天子未是極貴按春

秋元命苞乙酉之歲除革舊政今太歲在乙酉宜傳位

東宮應天道乃上魏獻文帝禪子故事帝從之

禮記

乃傳

位於皇太子緯是為齊後主

時年

大赦改元百官上尊號

為太上皇帝軍國大事仍以奏聞

北齊書本紀

然是時武成帝

仍往來晉陽鄴都凡除拜生殺仍自主之後主天統四

年崩凡為太上皇帝四年

北齊書

後主緯隆化二年

時年二

自晉陽戰敗回鄴以周師日逼

乃傳位太子恆

時年

改隆化二年為承光元年尊後主為

太上皇帝後主先走青州幼主亦東走又禪位於任城
王潛以太上皇爲無上皇幼主爲守國天王不數日父
子俱爲周所執其齊書

後周宣帝以大象元年時年十二傳位於皇太子衍襲詔曰

朕以寡薄祇承鴻緒上賴先朝得一之迹下藉羣后不
二之心興隆國本用宏天歷皇太子衍地居上嗣正統
所歸遠憑積德之休允叶無疆之慶朕今傳位於衍乃
睠四海深合謳歌之望傳子一人高蹈風塵之表萬方
兆庶諒朕意焉於是自稱天元皇帝所居稱天臺皇帝
衍稱正陽宮朝廷政事仍宣帝處分大象二年崩年二

十二周書

廿二史劄記 卷十三 魏齊周隋書并北史

三

唐高祖武德九年六月秦王世民殺皇太子建成齊王
元吉乃立世民爲皇太子聽政是歲八月皇太子卽皇
帝位於東宮顯德殿貞觀三年太上皇徙居大安宮齊書

紀書法如此但言高太子卽位而不言高祖傳位以見其遜於勢之不得已也以下皆唐書

唐睿宗在武后時已立爲帝後中宗歸爲帝睿宗仍爲
相王中宗爲韋后及安樂公主所弑韋后臨朝臨淄王
隆基睿宗子率兵討亂誅韋氏及安樂公主於是睿宗卽皇
帝位立臨淄王爲皇太子先天元年立爲皇帝聽小事
自稱太上皇聽大事明年詔歸政於皇帝是爲元宗

唐元宗享國旣久嘗欲傳位於太子楊國忠等甚懼使
楊貴妃衛主祈哀乃不果天寶十五載安祿山反帝避

亂至馬嵬太子從行父老請畱太子討賊帝許之遣壽
王瑁及高力士諭太子太子乃治兵於朔方因裴冕杜
鴻漸等請遂卽位於靈武是爲肅宗尊元宗爲上皇天
帝遣使奏聞元宗遣韋見素房瑁崔渙奉皇帝冊至靈
武肅宗復兩京至德二載迎元宗歸至咸陽備法駕於
望賢驛元宗御樓肅宗紫袍望樓拜舞元宗降樓撫肅
宗肅宗泣辭黃袍元宗自爲衣之肅宗伏地固辭元宗
曰天下人心皆歸於汝使朕得保殘齡卽汝之孝也肅
宗乃受元宗居興慶宮乾元元年元宗入御宣政殿授
肅宗傳國受命寶及符冊號曰光天文武大聖孝感皇
帝肅宗又上元宗尊號曰聖王天帝上元元年肅宗病
廿二史劄記

卷十三

魏齊周隋書并北史

三

李輔國矯詔遷元宗於西內寶應元年元宗崩

唐順宗卽位病暗乃立廣陵王純爲皇太子命權勾當

軍國事明年立爲皇帝是爲憲宗而順宗稱太上皇元

和元年憲宗上尊號曰應乾聖壽太上皇

宋徽宗宣和七年以金兵之逼先命皇太子爲開封牧

尊詔皇太子嗣位自稱道君皇帝太子卽位是爲欽宗

尊徽宗爲教主道君太上皇帝居龍德宮靖康元年徽

宗避金兵至鎮江府金兵退還京師明年金人以二帝

北行

以下皆宋史

宋高宗自元懿太子薨訪太祖子孫伯宇行內者育於

宮中紹興二年得伯玖賜名瑗後封普安郡王三十年

立爲皇子更名瑋三十一年金海陵入寇瑋從高宗至金陵已而海陵被弑金兵退高宗自金陵歸三十二年立爲皇太子改名育高宗久有傳位之意至是乃降御札皇太子可卽位朕稱太上皇帝退處德壽宮遣中使召太子入禁中太子趨避殿側高宗勉諭再三於是高宗出御紫宸殿宰臣奏事畢高宗還宮百官移班殿門外拜詔畢復班殿廷內侍掖太子至御榻前卽位是爲孝宗孝宗是時猶側立不敢坐內侍扶掖至八九乃略坐宰相率百官稱賀孝宗遣興宰相升殿圍請孝宗愀然曰此大位恐不克當高宗卽駕往德壽宮孝宗步送出祥曦門冒雨掖輦至宮門不止高宗麾謝再三令左

廿二史劄記

卷十三

魏齊周隋書并北史

三

右扶還顧曰吾付托得人無憾矣自是每五日一朝德壽宮百官月兩朝高宗請每月四朝孝宗上高宗尊號曰光堯壽聖太上皇帝孝宗終身備極孝養兩宮無纖毫間隔至淳熙十四年高宗崩年八十一几爲太上皇帝者二十四年孝宗行三年之喪

宋孝宗淳熙十五年詔自今御內殿令皇太子侍立十六年二月詔傳位皇太子以德壽宮爲重華宮是日孝宗吉服御紫宸殿行內禪禮百官稱賀畢內侍請太子坐太子固辭內侍扶掖乃卽位是爲光宗光宗是時微坐復興丞相率百官賀禮畢樞密院奏事光宗仍立聽班退孝宗反喪服御後殿光宗侍立尋登輦同詣重華

宮光宗還內上尊號曰至尊壽皇聖帝

宋光宗紹熙四年七月以後因疾不能朝重華宮明年孝宗疾甚光宗仍不能朝孝宗崩後亦不能過宮行喪乃立子嘉王爲皇太子趙汝愚密請太皇太后於禫祭日命皇太子卽位尊光宗爲太上皇至日衆官扶太子入素幄披黃袍太子郊立未坐汝愚率同列再拜須臾催仗訖百官班定內侍扶掖乃卽位是爲寧宗寧宗詔建泰安宮以奉太上皇自是五日一朝尋詔以秋暑太上皇未須移御卽以寢殿爲泰安宮上尊號曰聖安壽仁太上皇帝慶元六年崩

明英宗土木之變陷於也先皇太后諭立皇長子見深

廿二史劄記

卷十三

魏齊周隋書并北史

三

爲皇太子命郕王

恭宗弟

輔之代總朝政後議者謂時方多

難宜立長君皇太后亦遣太監金英傳旨郕王宜早正大位於是郕王卽帝位是爲景帝景帝遙尊英宗爲太上皇後也先送英宗歸景帝奉迎之禮甚簡將至京始備法駕於安定門外英宗自東安門入景帝迎拜英宗答拜各述已意遜讓良久乃送英宗於南宮羣臣就見而退後羣臣請朝英宗萬壽聖節及元旦景帝皆不許已又廢太子見深爲沂王而立己子見濟爲皇太子又殺待英宗之太監阮浪等皇太子見濟尋率御史鍾同等請復備皆被杖并伐南城中高樹英宗危甚及景帝不豫石亨徐有貞等迎英宗復位

明史

以上皆歷代太上皇故事北朝諸君固無足道唐宋則名分典禮各著稱史冊然洪容齋謂唐四君順宗以病不能臨政高祖以秦王殺兄弟明皇幸蜀太子擅立惟睿宗傳位發於誠心然至先天二年太平公主被誅之明日始盡行歸政則猶有不得已者惟宋高孝兩朝爲千古所未有云此固確論也然南宋國僅偏安嗣君又非親子究不得爲大全惟我

高宗純皇帝當大一統之運臨御六十年親傳寶位猶時勤訓政享年至八十有九

今上自受禪後極尊養之誠無一日不視承

色笑視宋孝宗之一月四朝曾不足比數焉然則

廿二史劄記

卷十三

魏齊周隋書并北史

十四

兩宮授受慈孝兼隆福德大備真開闢以來所未見豈不盛哉

皇太孫

禮記有適子無適孫註謂冢子身之副也家無正主亦無二副故古未有稱皇太孫者漢宣帝時元帝為太子生成帝為世嫡皇孫宣帝愛之名之曰鶯字曰太孫此

以之為字非立為太孫也惟晉惠帝敬字適為皇太子後為賈后所殺趙王倫廢后復即位齊武帝帝以皇太子長懋先卒乃立

號乃立適子臨淮王斌為皇太孫後倫又宣威乃立城弟襲王尚為皇太孫尋薨魏太武帝帝先立子長為皇太子尋卒乃封兒子孫即位以無道廢為彭林王唐高宗帝廢廢太子立英王哲為皇太子太子遼道

乃傳封號世嫡皇孫後世嫡不宜在藩唐高宗帝廢廢太子立英王哲為皇太子太子遼道

宗皇太子承為乙辛諸廢破宮詔封濟子延慶為燕國王金世宗帝先立嫡

天下兵馬大元帥帝崩遺詔燕國王即位是為無祚帝

廿二史劄記 卷十四 魏齊周隋書并北史

皇太子承繼乃立允恭子瑛為原王後立為皇太孫帝先立嫡子標為皇太子元世祖帝先立嫡子標為皇太子

皇后嫡孫惟汝一人故建立於侯保子在後即位是為章宗

子珍繼為皇太子珍繼承命皇孫繼穆爾衛北明太祖帝先立嫡子標為皇太子

遷授以皇太子寶帝崩皇孫入即位是為成宗

為皇太孫後即明成祖帝先立高熾為皇太子是為仁宗在東宮時子皆有

位是為建文帝昭其性英睿成祖乃立為皇太孫是為宣宗

建立然晉惠帝齊武帝金世宗明太祖皆以皇太子先

卒故立皇太孫以繫正統此事之不得已者也魏太武

遼道宗元世祖則雖東宮先卒大位已屬嫡孫然尚不

設皇太孫之稱如魏太武則號其孫曰世嫡皇孫遼道

宗則封其孫曰燕國王天下兵馬大元帥元世祖則付

其孫以皇太子寶俱未嘗有皇太孫之號乃唐高宗則

當中宗在東宮時即立重照為皇太孫明成祖亦當仁

宗在東宮時即立宣宗為皇太孫皆非禮也梁武帝當簡文帝太子在東宮時

亦立簡文嫡子大器為宣高宗立重照時嘗以問裴敬藁王方

慶皆對曰禮有嫡子無嫡孫晉立愨懷即愨子為皇太孫

齊立文惠即長子為皇太孫皆居東宮今有太子又立太

孫古所未有帝曰自我作古若何遂立之是唐時猶有

能據禮以爭者乃明永樂中竟未聞有以此為過舉而

舉朝寂然無聲可見明臣不讀書不知故事之陋也

皇太弟

皇太孫之稱已非古法晉以後更有所謂皇太弟者晉

惠帝皇太孫臧及尚俱死因河間王容奏乃詔立成都

王穎為皇太弟弟後穎兵敗又廢之而立豫章王熾為

皇太弟弟既即位是為懷帝劉淵死其太子和為劉聰

廿二史劄記

卷十四

魏齊周隋書并北史

所害聰讓位於弟北海王又又固請聰即位乃立又為

皇太弟後又為聰子粲所害慕容暉為苻堅所擒官於

長安後暉弟冲起兵高蓋等立冲為皇太弟檄書與堅

自稱皇太弟致書請奉送家兄皇帝出城苻丕敗死其

子懿奔於苻登時登已稱帝乃立懿為皇太弟此古來

所創見也唐文宗崩中尉仇士良等立穎王灑為皇太

弟即位是為武宗僖宗崩軍容使楊復恭立壽王為皇

太弟即位是為昭宗此皆倉猝擁立非預建為儲副者

又南唐元宗李璟立弟齊王然兄終弟及名號尚非不經唐武宗

景遂為皇太弟然未嘗傳位馬元贊立光武為皇太叔即位是為宣宗此又古所未

有安樂公主諱中宗已為皇太女則更不經之甚矣元成宗崩無子其

兄子海山鎮漠北海山弟愛育黎拔力八達在懷州人

京監國迎海山卽位是爲武宗武宗卽立愛育黎拔力
八達爲皇太子又秦定帝崩武宗二子在外長曰和世
竦鎮漠北其弟圖帖睦爾在江陵亦先入京稱號迎和
世竦卽位是爲明宗明宗亦立圖帖睦爾爲皇太子明
宗尋被害皇太子仍卽位是爲文宗按武明二帝皆以
其弟爲儲副則皇太弟之號實屬相宜乃反立爲皇太
子是直以弟爲子矣蓋元人不知有皇太弟故事但知
皇太子爲繼體之號而不知其爲對君父之稱也

帝王行三年之喪

三代後帝王行三年之喪者咸稱晉武帝宋孝宗然尙
有晉康帝姚興魏孝文帝後周武帝北漢劉承鈞世未
廿二史劄記 卷十四 魏齊周隋書并北史
三
之知也今摘於後

晉文帝

司馬

之喪臣民皆從權制三日除服旣葬武帝亦

除然猶練冠蔬食及謁崇陽陵仍以衰絰從行裴秀奏
旣除不宜復服乃止羊祜曰三年之喪漢文除之毀禮
傷義今主上至孝若因此復先王之法不亦善乎羣臣
異議乃止羣臣又請易服復膳詔曰可試省孔子答宰
我之言無俟紛紜也遂蔬素終三年後王太后殂帝居
喪一遵古禮旣葬有司請除服詔曰前代典禮質文不
同何必援近制使達喪闕然乎竟素服以終三年

武帝楊
后崩旣

葬卽吉尚書奏皇太子亦宜釋服杜預奏皇
太子宜復古典以諒開終制從之見杜預傳

康帝紀有司奏成帝崩已一周請改素服進膳如舊詔

曰權制之作出自近代雖曰適事實儉薄之始先王崇之後世猶怠而況因循又從輕降義不可矣是康帝亦行三年喪也

姚興母虵氏死興哀毀過禮羣臣請依漢魏故事既葬即吉李嵩疏曰孝治天下先王之令典也宜遵聖性以光孝道既葬之後仍素服臨朝率先天下尹繹駁之曰帝王喪制漢魏爲準嵩矯常越禮請付有司論罪興曰嵩忠臣孝子有何咎乎其一依嵩議

魏書

魏孝文帝遭文明太后之喪欲行三年之喪羣臣固請依遺詔過葬即吉帝不許乃以衰服過期終四節之墓明年正月始聽政於皇信堂又明年遇文明太后再周

廿二史劄記

卷十四

魏齊周隋書并北史

四

忌日哭於陵左絕膳三日哭不輟聲

魏書

後周武帝皇太后叱奴氏崩帝詔曰三年之喪達乎天

子古今不易之道朕宜遵前典以申國極百寮以下仍

遵遺令公卿固請過葬即吉帝不許於是遂申三年之

制五服之內亦令依

禮後齊書

北漢劉承鈞於乾祐七年遭其父世祖之喪承鈞謂以日易月非禮也始行三年喪至乾祐九年冬始除服

魏書

宋孝宗遭高宗之喪詔朕當衰服三年羣臣自遵易月

之令自是每七日及朔望皆詣德壽宮至大祥帝以白

布巾袍御延和殿若詣德壽宮仍經杖如初葬後帝親

行奉迎虞主之禮自是七虞八虞九虞卒哭奉辭皆如

之又下詔曰朕欲衰經三年羣臣屢請御殿故以布素視事雖詔俟過祔廟勉從所請然稽諸典禮心實未安行之終制乃爲近古宜體至意勿復有請于是遂終喪三年將內禪時密諭兩府欲禪位退休以畢高宗三年之喪屆期吉服御紫宸殿行內禪禮畢仍返喪服駕詣重華宮至服闋始除宋史孝宗崩光宗病不能執喪寧宗卽位已服期欲大祥畢更服兩月御史胡紘言孫爲祖服已期矣今欲加兩月不知用何典禮若謂嫡孫承重則太上皇聖躬久已康復在宮中自行三年之喪而陛下又行之是二孤也云云是光宗亦行三年之喪李

洪容女后之賢

廿二史劄記

卷十四

魏齊周隋書并北史

五

洪容齋標三女后之賢謂王莽女爲漢平帝后自劉氏之廢稱疾不朝會莽敬而哀之欲嫁之不肯及莽敗后曰何面目以見漢家自投火中死楊堅女爲周宣帝后知其父有異圖意頗不平及禪位憤惋愈甚堅內愧之欲奪其志后誓不許乃止李昇女爲吳太子璉妃昇旣篡封爲永興公主她問人呼公主則流涕而辭之三后之事略同可畏而伸也然此三后猶人所知容齋所記尙有遺漏漢靈帝崩子辨卽位是爲少帝董卓廢爲宏農王尋進醜弑之臨服醜時與妻唐姬泣別姬還潁川父會稽太守瑁欲嫁之誓不肯後李傕遣兵鈔關東掠得之催欲妻之不聽而終不自名獻帝聞之詔迎姬拜

爲宏農王妃晉愍懷太子遙妃王氏名惠風王衍女也
太子旣廢衍請離婚及劉曜陷洛陽以惠風賜其將喬
屬惠風拔劍拒屬曰我太尉公女皇太子妃豈爲汝逆
胡所辱屬遂殺之符堅奔五將山爲姚萇所擒其張夫
人自殺苻登妻毛氏壯勇善騎射爲姚萇所襲營壘旣
陷猶彎弓跨馬率壯士數百十人與萇交戰力屈被執
萇欲納之毛氏罵曰吾天子后豈爲賊羌所辱何不速
殺我萇怒殺之呂紹爲呂纂所弑妻張氏色美呂隆欲
汚之張氏自投樓下二脛俱折誦佛經而死以上皆晉書列女傳呂
纂旣篡爲呂超所誅其妻楊氏色美超將娶之使其父
語之楊氏曰大人賣女與氏以求富貴一之已甚其可

廿二史劄記

卷六

魏齊周隋書并北史

六

使女辱於二氏乎乃自殺北史西魏廢帝后宇文泰之女
也帝爲泰所廢后以忠於魏被禍北史此皆亡國后妃之
賢者摘出以補容齋所未及

南北朝通好以使命爲重

南北通好嘗藉使命增國之光必妙選行人擇其容止
可觀文學優贍者以充聘使如魏游明根嘗三使於宋
李彪嘗六使於齊齊武帝以裴昭明有將命之才特命
使魏皆以其能稱使職也其後益以使命爲重李諧傳
謂南北交聘務以俊又相矜銜命接客必盡一時之選
無才地者不得與焉梁使每入鄴下爲之傾動貴游子
弟盛飾聚觀館門成市魏使至梁亦如之一時風尙如

此凡充使及伴使皆不輕授邢邵在魏爲一時文人之冠特以不持威儀遂不令出使邢邵北齊李緯與崔暹不

協嘗曰雖失貴人意聘梁使不能舍我後果使梁李緯崔

瞻曾經熱病面多癩痕然雍容可觀詞韻溫雅遂出使

于陳崔瞻此出使之精于選擇也其出使而增重隣國者

魏游明根使宋宋孝武稱其長者迎送禮加常使游明高

推使宋宋稱其才辨高李彪使齊將還齊主親至琅琊

山命羣臣賦詩送別李彪北齊崔陵將使梁陵曰文采與

識陵不推李諧口頰顧顧諧乃大勝乃以李諧盧元明

李業興出使梁武謂左右曰卿輩嘗言北方無人此等

從何處來李諧李渾聘梁梁武曰伯陽之後久而彌盛趙

廿二史劄記 卷十四 魏齊周隋書并北史 七

李人物今實良多李暹魏收與王昕聘梁昕風流文辨收

詞藻富逸梁君臣咸敬禮魏收周使崔彥穆聘陳彥穆風

韻閑曠器度方雅爲江表所稱崔彥穆此皆出使之有

光者也其隣國之接待聘使亦必選有才行者充之魏

使至齊齊以宗夬與任昉同接魏使皆時選也宗夬王融

有才辨乃命兼主客接魏使房景高宋弁以融年少問

主客年幾融曰五十之年已踰其半景高曰在北聞君

曲水詩序實願一見融乃示之弁曰昔觀相如封禪知

漢武之德今覽王生詩序用見齊主之盛王融劉繪以才

辨奉救接魏使事畢當撰記繪曰無論潤色未易但得

我語亦難矣劉繪齊永明中魏使至詔選朝士有詞

辨者接使於界乃以范岫往迎隋書魏使劉善明聘梁梁

使朱异接之預讌者皆歸化北人善明欲見王錫張纘

乃使錫纘入宴善明遍論經史錫纘隨而酬對善明深

嘆服之上張纘傳以齊使劉纘至魏文成命李安世接之安

世善舉止纘嘆曰不有君子豈能國乎李安李諧盧元明

聘梁梁武以蕭撝詞令可觀令受幣於賓館魏書梁使至

魏陸卬每接讌卽席賦詩卬必先成遂以敏速見美陸卬

劉孝儀聘魏魏詔邢昕迎於境上邢昕徐君房庾信聘魏

名譽甚高選接待者皆一時之秀盧元景之徒皆降階

攝職更遞司賓魏書梁使至北齊齊每令裴讓攝主客郎

接待之裴讓陳使傅綽聘北齊齊令薛道衡接對綽贈詩

廿二史劄記

卷十四

魏齊周隋書并北史

五百韻道衡和之南北稱美隋書陳使賀徹周漬相繼聘

隋隋每令盧昌衡接待之盧昌隋陸爽博學有口辨每陳

使至文帝嘗使爽迎勞隋書此又可見伴使者亦必慎選

也今按劉纘聘魏指方山間接伴李安世曰此山去燕

然遠近安世曰亦石頭之於番禺耳李安魏李繪使梁與

梁人泛言氏族袁狎自謂出自黃帝姓在十四之限繪

曰兄所出雖遠當共車千秋分一字耳李繪李業典使梁

梁朱异問洛中委粟山是南郊耶業典曰是圓邱非南

郊异曰北間郊邱異地是用鄭義此中用王義業典曰

江左用王義除禪應是二十五月何以玉儉喪禮仍用

鄭義二十七月李業梁徐陵使東魏宴日甚暑魏收曰今

鄭義二十七月李業梁徐陵使東魏宴日甚暑魏收曰今

日之熱當由徐常侍帶來陵曰昔王肅至魏爲魏制禮儀今我來聘使卿復知寒暑陳書徐陵傳此等猶不過以言語

文學見長無大鬪係若事涉朝政邊事而能以片言全國體折敵謀則尤有足尚者如魏太武南伐宋太尉江

夏王義恭安北將軍武陵王駿守彭城太武使李孝伯至城下勞問曰主上有詔詔太尉安北可暫出相見宋

張暢出對曰有詔之言何得稱之於此孝伯曰隣國之君何爲不稱詔於隣國之臣何至杜門絕橋暢曰二王

以魏帝營壘未立此間精甲十萬恐相凌踐故耳孝伯曰主將令行禁止何待絕橋杜門又何必以十萬誇大

我亦有良馬百萬可以此相矜乎孝伯應荅如流風容

廿二史劄記

卷十四

魏齊周隋書并北史

閑雅暢甚相嗟賞魏書李孝伯傳宋人亦稱孝伯足辭辨北土之

美暢隨宜應荅音韻詳雅北人美之宋書張暢傳劉纘使魏市

肆交易金玉甚賤纘曰當是山川所出李安世曰我朝

不貴金玉故同于瓦礫耳纘初將大市聞安世言慙而

罷李安世傳齊高帝篡位使車僧朗于魏魏主問齊王何故奪

宋天下僧朗辨對甚明齊書車僧朗傳魏文明太后崩齊使裴昭

明來弔欲朝服行事不肯喪服魏成淹折之曰元冠不

弔童稚共聞昔季孫將行請遭喪之禮何得以朝服行

弔昭明言我高帝崩魏遣李彪來弔不喪服淹曰彪本

請喪服以行及至齊齊已卽吉君臣皆鳴玉行庭使臣

何容衰服今我皇方親行喪服豈得以此方比也昭明

遂以喪服入傳及魏使李彪報謝則入宴辭樂曰我皇

孝性自天除纁後尚以素服從事使臣不敢聞樂齊不

能屈李彪傳齊明帝廢海陵王自立魏孝文來伐壽春城中

齊書遣王慶遠出與孝文語遂退兵齊書陳文帝弟安成王

項在梁魏克江陵隨例遷長安宇文泰欲歸之遣杜杲

使陳道意陳文帝大喜卽賂以黔中及魯山郡後杲送

項歸陳帝曰家弟得歸實貴朝大惠然不還魯山恐未

能如此杲曰安成在我朝咸陽一布衣耳然是陳之介

弟其貴豈止一城我朝親睦九族推己及人所以送歸

今謂以土地易骨肉何以聞之四方陳帝大慚曰前言

戲之耳後杲又使陳宣帝謂曰若欲合從圖齊當以樊

廿二史劄記

卷十四

魏齊周隋書并北史

十

鄧見與杲曰合從圖齊豈惟敝邑之利必須城鎮宜待

得之于齊今先索漢南使臣不敢聞命宣帝甚敬之

鄧杲傳

此等使臣實能爲國家折衝樽俎之間使鄰國不敢輕

視真所謂使於四方不辱君命者又不徒以言語文學

見長而已宜是時南北皆以選使爲重也

後魏追謚之濫

有天下追尊其先世禮也然不過兩三代獨後魏則無

限制道武帝建國稱帝既追尊其始祖力微爲神元皇

帝自神元以下沙漠汗曰文帝悉鹿曰章帝綽曰平帝

弗曰思帝祿官曰昭帝猗迺曰桓帝猗虛曰穆帝鬱律

曰太祖平文帝賀偃曰惠帝紇那曰煬帝翳槐曰烈帝

什翼犍曰昭成帝凡十三帝又從神元而上追尊極遠之祖毛曰成帝貸曰節帝觀曰莊帝樓曰明帝越曰安帝推寅曰宣帝利曰景帝俟曰元帝肆曰和帝機曰定帝蓋曰僖帝儉曰威帝隣曰獻帝詰汾曰聖武帝又共十四帝則不惟謚號遙加并名諱亦出於追製苟欲崇其祖先而至於濫褻已甚此不經之甚者也 按魏澹謂平文以前本部落之君長道武遠道二十八帝實越典禮今魏書及北史所載止二十七帝殊不合魏澹所云考平文時長孫斤反拔刀向御前太子寶格之傷脇而藁後追謚爲獻明帝所云二十八帝者獻明當在內也魏書北史以獻明未登位無事可紀故缺之耳

廿二史劄記

卷十四

魏齊周隋書并北史

七

按漢制開國之君稱祖以下則俱稱宗自曹魏始三

代稱祖武帝稱太祖文帝稱高祖明帝稱烈祖

明帝廟號乃生

太祖武帝稱世祖慕容氏亦三代稱祖庾追稱高祖

號追稱太祖僑僭號稱烈祖姚秦亦三代稱祖弋仲

追稱始祖苻稱太祖興稱高祖至元魏則更有兩太

祖道武既追尊平文帝爲太祖及道武崩其廟號又

稱太祖此列朝所未見也其後太武帝稱世祖獻文

帝稱顯祖孝文帝稱高祖北齊則高歡追稱高祖文

宣帝稱顯祖武成帝稱世祖亦三代稱祖周宇文泰

追稱太祖武帝稱高祖南朝則宋武帝稱高祖文帝

稱太祖孝武帝稱世祖亦三代稱祖齊高帝稱太祖
武帝稱世祖梁武帝稱高祖元帝稱世祖陳武帝稱
高祖文帝稱世祖祖以功宗以德原非必一祖之外
不得再稱祖然亦須揆其功而祖之創業申典有大
功於世祖之可也如魏明帝宋文帝孝武帝後魏獻
文帝北齊武成帝諸君不過蒙業繼體在位僅數年
無功可紀乃亦以祖爲廟號僭僞之朝苟爲崇奉固
不可爲法也

保太后

禮記會子問篇子游問曰喪慈母如母禮歟孔子曰非
禮也古者男子外有傳內有慈母君命所使教子也何

廿二史劄記

卷十四

魏齊隋隋書并北史

主

服之有魯昭公少喪母有慈母良及死公欲喪之有司
以爲非禮公乃以練冠喪慈母喪慈母自魯昭公始也
然但練冠以居而孔子已以爲非禮按慈母亦有不同
或子幼母死父命妾長育之者父卒而遭此妾之喪尙
有三年之服以重父命也若但父使之保抱則不過保
母而已晉書顧和傳成帝以保母周氏有保育之勞欲
假以名號和奏謂古無此例惟漢靈帝以乳母趙嬈爲
平氏君此末世之私恩非先王之合典乃止是古未有
崇奉保母之制也乃後魏自道武帝創例立太子則先殺
其母以防母后預政自是遂著爲令而帝卽位皆無太
后於是轉奉保母爲太后太武帝保母竇氏本以夫家

坐事沒入宮明元帝命爲太武保母太武既立尊爲保
太后後又尊爲皇太后太后登崞山謂左右曰吾母養
帝躬死必不爲賤鬼然於先朝無位次不可違禮從葬
園陵此山之土可以終托故歿後遂葬崞山從其志也
文成帝乳母常氏亦有劬勞之功文成卽位尊爲保太
后再進爲皇太后是時文成妃李氏生獻文後將立獻
文爲太子常太后依故事令李氏條記在南兄弟付托
其宗兄洪之痛哭而死以保母而能主宮闈之政賜死
太子之母則當日之尊竟同皇太后可知也文成帝又
極尊奉封太后之兄英爲遼西王弟喜帶方公三妹皆
縣君妹夫皆公侯又追贈太后祖爲公父爲王母爲王
太妃可謂濫矣親母則必賜死保母轉極尊崇魏法之
矯枉過正莫不善於此

異姓封王之濫自後魏始

太武帝卽位封長孫嵩北平王奚斤宜城王長孫翰平
陽王叔孫建丹陽王司馬楚之琅琊王杜超陽平王穆
壽宜都王長孫道生上黨王樓伏連廣陵王自是功臣
無有不王者文成帝封周怱樂陵王杜遺閭若文劉尼
杜元寶源賀閭武皮常英閭毗閭紇尉眷乙渾李峻俱
進爵爲王又封陸麗爲平原王麗乞以讓文帝曰吾豈
不能以二王封卿父子也乃封其父俟東平王後麗之
子叡事獻文帝又封東郡王一門之內遂有三王獻文

帝又封慕容白曜濟南王韓頽襄城王孝文帝亦封陳建魏郡王苟頽河東王王叡中山王張祐新平王太和十六年始詔諸遠族非太祖子孫及異姓封王者皆降爲公公爲侯侯爲伯其子男仍舊皆除將軍之號惟長孫道生以大功特不降自是名器稍重至北齊武成帝時又極猥褻奄人鄧長容韓寶業盧勒又齊紹泰子徵陳德信俱封王後主緯時庶姓封王者尤多穆提婆城陽郡王高阿那肱淮陽郡王韓長鸞昌黎郡王皆倖臣也張景仁以侍書封王傳謂倉頡以來八體進爵一人而已又有倉頭陳山提蓋豐樂劉郁斤趙道德劉桃枝梅勝郎辛洛周高舍盛至武平時皆封王其不及武平

廿二史劄記

卷十四

魏齊周隋書并北史

古

者亦追贈王爵齊書謂諸倉頭始自家人情寄深密及後主時已是先朝勳舊故致此叨竊又有樂人曹僧奴及其子妙達以能彈琵琶亦封王此外官階更不可數計開府千餘儀同無數諸貴寵追贈祖父歲一進官位極而止馬及鷹犬皆有郡君儀同之號如赤彪儀同逍遙郡君凌霄郡君之類甚至鬪雞亦號開府官爵之濫至此極矣故當時受之者不以爲榮且反有以爲辱者陽休之爲中書監封燕郡王謂人曰我非奴何忽有此授可見人之賤之至不齒於人列也荒亂之朝何所不至固不可以常理論矣

後魏以鑄像卜休咎

北史魏后妃傳序云魏故事將立皇后必令手鑄金人以成者爲吉否則不得立也道武帝妃慕容氏有寵帝令后鑄金人成乃立爲后後薨又寵劉氏以鑄金不成不登后位明元帝妃姚氏鑄金人不成未升尊位然帝禮之如后薨遂贈爲后加謚焉然非特立后用此法也爾朱榮以明帝崩將有所立乃以銅鑄孝文及咸陽王禧等五王之子孫像成者當立爲主惟莊帝獨就乃迎立之及河陰之役榮欲僭位鑄金爲己像數四不成乃止齊高洋欲僭位羣臣皆意以爲不可鑄像卜之一寫而成遂決意僭號蓋當時國俗然也

魏書北齊書及北史

按晉書載記冉閔遣常燁使於慕容儁儁使封裕問

廿二史劄記

卷十四

魏齊周隋書并北史

五

之曰聞閔鑄金爲己像壞而不成何得言有天命燁言此事非實此又在元魏之前則不始於魏矣蓋本北俗故事至拓跋而益尙之也

後魏百官無祿

後魏未有官祿之制其廉者貧苦異常如高允草屋數間布被繻袍府中惟鹽菜常令諸子採樵自給是也

允傳

否則必取給于富豪如崔寬鎮陝與豪宗盜魁相交結

莫不感其意氣時官無祿力惟取結于人寬以善于結

納大有受取而與之者無恨

寬傳

文成帝詔諸刺史每因

調發逼人假貸大商富賈要時射利上下通同分以潤屋自今一切禁絕犯者十疋以上皆死明元帝又詔使

者巡行諸州校閱守宰貲財非自家所賞悉簿爲贓是懲貪之法未嘗不嚴然朝廷不制祿以養廉而徒責以不許受贓是不清其源而徒遏其流安可得也至孝文帝太和八年始詔曰置官班祿行之尚矣自中原喪亂茲制久絕先朝因循未遑釐改今宜班祿罷諸商人以簡人事戶增調絹二疋穀二斛九升以爲官司之祿均預調爲二疋之賦卽兼商用祿行之後贓滿一疋者死俸以十月爲首每季一請後以軍興用不足又詔百官祿四分減一以充軍用至明帝時于忠當國欲結人心乃悉復所減之數此魏制官俸之大概也按文成詔中所謂商賈邀利刺史分潤孝文詔中所謂罷諸商人以

廿二史劄記

卷十四

魏齊周隋書并北史

六

簡人事蓋是時官未有祿惟藉商賈取利而抽分之至見于詔書則陋例已習爲常矣崔寬并交結盜魁爲受納之地旣取利于商賈自并及于盜賊亦事之所必至也上下交征如此何以立國哉

後魏刑殺太過

後魏起北方專以刑殺爲政令自猗盧爲代王卽嚴刑峻法諸部人多以違命得罪凡後期者舉部戮之或有宗室相攜悉赴死所或問何往曰當就誅戮其威嚴如此道武帝以秦王觚使於燕爲所害及克中山收害觚者傅高鞠程同等皆夷五族以大刃挫殺之其討劉衛辰收其子弟宗黨無少長五千餘人盡戮死末年每朝

臣至前追其舊惡輒殺之其餘或以顏色動變或以喘息不調或以行步乖節或以言詞失措皆以爲懷惡在

心變見於外乃手自毆擊死者皆陳天安殿前

道武時嘗有

有暴禍惟滅清河殺萬人乃可免帝乃滅清河一郡嘗手自殺人欲其數滿萬或乘藉手劍擊極益者腦一人死一人代每一行死者數千有愛安者萬人與帝子清河王紹私通懼事發乃弑帝臨死始悟清河萬人之誠在此二人也

太武帝雖詔有司按律令務求厥中紫然如崔浩之誅清河崔氏無遠近及范陽盧氏

太原郭氏河東柳氏皆浩之親黨盡夷其族甚至僮吏

亦夷五族同修史者亦族誅浩傳史臣謂太武果於刑戮

後多悔之則亦仍其祖父舊法也至孝文帝始詔一人

爲惡殃及合門朕所不忍自今非謀反大逆及外奔者

罪止其身尋又詔五族者降止同祖三族者止一門門

廿二史劄記

卷十四

魏齊周隋書并北史

七

誅者止其身於是刑戮稍減然自先世以來寃死者已不可數計矣按猗盧爲其子六修所弑道武爲其子紹所弑及身之報已屬顯然其後亡國時北齊文宣帝問元韶光武何故中興韶曰爲王莽誅諸劉不盡文宣乃誅諸元世哲景武等二十五家男子無少長皆斬所殺三千人餘十九家並禁之韶亦入地牢絕食嚼衣袖而死尋又大誅元氏壯者斬東市嬰兒投於空中以粟承之悉投屍漳水剖魚者多得爪甲都下爲之久不食魚文宣嘗令諸囚自金鳳臺各乘紙鳶以飛最遠者免死元黃頭獨能至紫階宜得免矣仍付御史獄餓死凡昭成以下並無遺焉然則元魏之後竟無遺種實好殺之

報也高允曰臯陶至德也其後英薨先亡劉項之際英布黥而王經世雖久猶有刑之餘數况凡人乎後周宇文氏之後爲隋所誅殺殆盡史臣亦謂洛宮制勝闔城孛戮茹茹歸命盡種誅夷周祚不永或由於此是則天道之報施固有昭然不爽者也

按族誅之法本起於秦漢高祖入關所謂父老苦秦苛法誹謗者族是也後漢書楊終疏亦言秦政酷烈

一人有罪延及三族

如淳曰父族母族妻族也張鑿曰父母妻子兄弟也

是族誅本秦

酷政漢高約法三章則已除之然韓彭之誅皆夷三族購季布敢匿者罪三族捕貫高等敢有隨者罪三族是仍未嘗除也故崔實政論謂高祖使蕭何定律

廿二史劄記

卷十四

魏齊周隋書并北史

大

有夷三族之令至文帝始除之楊終疏所謂文帝至仁除去收孛是也然文帝雖除而其後如李陵王溫舒等仍坐罪族誅則此刑故在至魏晉之際益慘酷無人理司馬懿誅曹爽支黨皆夷三族男女無少長姑姊妹女子之適人者皆殺之爽傳王凌之妹爲郭淮妻凌被誅淮五子向淮叩頭流血淮不能忍乃致書懿免之准傳母邱儉之誅其子向妻荀氏應坐死其兄

顛乞其命乃詔離婚而荀氏所生女已嫁劉子元亦

當坐死以懷妊在獄荀氏乞爲婢以贖女命按荀氏之女則儉餘女也

而亦不免是誅及四族矣司馬氏之酷如此程威乃上議曰已出之女父母有罪

既須追刑夫黨見誅又須從戮是一人之身內外受

辟男不得罪於他族女獨嬰禍於二門事屬不均請

在室者從父母之誅出嫁者從夫家之罰乃改此制

晉書刑志其後解結被戮其女適裴氏者明日當嫁而禍

起裴氏欲認活之女曰家既若此我何活為亦坐死

夫以將嫁而夫家來認之即可不死則已稍輕於母

邱儉之案矣然一人有罪害及無辜秦漢以來以此

法枉殺者不知凡幾又況後魏之誅及五族耶

爾雅內宗曰族

母妻則曰黨是古所謂族者專指宗姓而言故孔安國稱尚書九族謂自高祖至元孫即喪服小記所云以三篇五以五世乃族以後世乃族以父母妻為三族以改淫殺益多顧寧人謂始於杜預以外祖父母從母子及妻父母姑之子姊妹之子及女之子當之然漢書張安世傳出謂父母兄弟妻子也如淳注則曰父族母族其族也則此說不自杜預始矣今按司馬氏之謀曹爽王凌母邱儉雖極慘然尚止及於姊妹及女子之適人者猶魏太武之誅崔浩并及於盧氏郭氏柳氏皆夷其族則於本族之外延及於母黨妻黨出族之女黨安知非如淳杜預之計之遺害耶故落筆不可不慎也

廿二史劄記 卷四 魏齊周隋書并北史

九

魏以奄人為外吏

後魏多以奄人為外吏楊範傳謂靈太后臨朝中官貴者皆許以方岳故宦寺多為外吏今考魏書不自靈太

后始也蓋魏時籍沒之制甚嚴凡官吏有罪者一經籍

沒則婦女入掖廷男子小者即為奄寺故其中往往有

士人子孫知義理有才具者如仇洛齊其祖本殿中侍

御史洛齊在太武時為奄人因綾羅戶不屬守寧多隱

漏乃奏請悉歸郡縣後出為冀州刺史有能名王瑀先

世晉豫州刺史瑀被刑入宮歷事數朝志在公正出為

冀州刺史年老致事考文時隨遷洛以家貧特蒙賜帛

趙黑先世本晉平遠將軍黑沒為奄人官選部尚書能

自謹厲當官任舉頗能得人獻文欲傳位京兆王子推
黑願以死奉太子孝文以是得立後出爲定州刺史克
已清儉憂濟公私有欲行賂者黑曰高官厚祿足以自
給敢賣公營私耶孝文聞之特賜絹緡孫小父木姚泰
護軍守城殉節小沒入宮刑後出爲并州刺史州內四
郡百餘人詣闕頌其政化後遷冀州刺史清約自守當
時收伯無能及他如抱疑以忠謹被擢後因老疾乞外
祿乃出爲涇州刺史自以故老前宦爲政多守法玉質
解書學出爲瀛州刺史在州十年風化粗行察奸糾隱
究其情狀民庶畏服之此皆在靈太后之前而闔寺爲
吏亦有能勤于其官者自靈太后後楊範爲白水太守
廿二史劄記

卷十四

魏齊周隋書并北史

三

王溫爲鉅鹿太守瀛州刺史然皆無可稱蓋亦視職政
之盛衰爲賢否朝政肅則刑餘爲吏亦能砥節奉公朝
政弛則士大夫亦多貪縱况此輩乎

俱見魏書
奄官傳

魏孝文遷洛

魏孝文帝以國俗沿上世之陋欲遷洛以變舊風恐大
臣不欲乃發京師步騎百餘萬南伐至洛陽帝戎服執
鞭而出羣臣稽顙於馬前請停南伐帝曰今者之舉興
發不小動而無成何以示後若不南伐便當都洛乃議
遷移之計次年至平城宮部分遷甾又臨太極殿喻在
代諸臣遷移之略本紀時舊臣多不欲行帝先與彭城王
澄議之謂平城乃用武之地非可興文須光宅中原澄

力贊之乃決

洛傳

帝又謂元贊等曰朕爲天子何假中原

欲令卿等子弟博見多智耳若永居恆北卿等子弟不

廣陵王羽傳

免而墻也又嘗問于烈遷留孰便烈對曰聖略深

遠非愚管所及若隱心而言樂遷之與戀舊中半耳帝曰卿不鳴異同朕深感不言之益

烈傳

時穆泰陸叡以畏

遷謀反泰欲推陽平王躋爲主事敗賜死

泰傳

遷洛後太子恂守金墉畏河南暑熱召牧馬欲輕騎奔代元徽勒

門阻之乃止帝遂廢恂爲庶人尋亦賜死

恂傳

帝引見朝

臣詔斷北語一從正音年三十以上習性已久或不可革三十以下見在朝之人語音不許仍舊違者免所居

官又詔革衣服之制嘗出行見婦女仍夾領小袖乃責

廿二史劄記

卷十四

魏齊周隋書并北史

三

咸陽王禧等

禧傳

又詔遷洛人死者葬河南不得還北於是代人南遷者皆爲洛陽人又詔改國姓爲元氏

本蓋紀

帝優於文學惡本俗之陋欲以華風變之故不憚爲此舉也然國勢之衰實始於此一傳而宣武再傳而孝明

而鼎祚移矣蓋徒欲興文治以比於古帝王不知武事已漸弛也其先道武帝遣賀狄干至秦爲姚興所畱因

在長安讀書通尙書論語舉止似儒者後歸道武見其類中國人遂殺之

魏教

明元帝時或言國家當遷都鄴崔

浩曰非計也今居北方若山東有事則輕騎南出誰知多少百姓望而遠服此國家威制四夷之長策若南徙

則種人不滿諸州之地參居榛林之下不服水土疾疫

死傷情見事露四方聞之有輕侮之意則聲實俱損矣
此又開國君臣之深識遠慮也

顧寧人言中國風俗多有不如外蕃者遼史言契丹
生計仰給畜牧績毛飲湏以爲衣食徂習勞事不見
紛華故家給人足戎備完整金史世宗曰女直舊俗
雖不知書然其祭天地敬親戚尊者老接賓客皆出
自然乃禁女直人不得改稱漢姓學南人衣裝犯者
抵罪又曰遼不忘舊俗朕以爲是海陵習學漢人是
忘本也若依國家舊風乃長久之計也金史食貨志
亦謂金中葉以後鄙遼儉樸襲宋繁縟之文又懲宋
寬柔用遼操切之政是棄二國之所長而專用其所

廿二史劄記

卷十四

魏齊周隋書并北史

三

短迄金之末國用易竭民心易離實由于此作法不
慎變法以救其弊祇益甚焉此又操化權者所當加
意也

魏孝文帝文學

古今帝王以才學著者曹魏父子蕭梁父子爲最然皆
生自中土績學少年惟魏孝文帝生本北俗五歲卽登
帝位此豈有師儒之訓執經請業如經生家所爲乃其
聰睿夙成有不可以常理論者史稱其雅好讀書手不
釋卷五經之義覽之便講史傳百家無不該涉善談莊
老尤精釋義才藻富瞻好爲文章詩賦銘頌在典而作
有大文筆馬上口授及其成也不改一字自太和十年

以後詔冊皆帝文也餘文章尙百餘篇史論亦謂帝欽
明稽古煥平其有文章謚之以經天緯地信不虛也今
就各列傳所散見者撮敘之帝宴宗室于皇信堂命任

城王澄爲七言連韻詩帝往復極歡乃罷帝征懸瓠

賜宴與從臣聯句帝歌曰白日光天兮無不曜江左一

隅獨未照彭城王勰曰願從聖明兮登衡會萬國馳誠

混日外鄭懿曰雲雷大振兮天門闢率土來賓一正歷

邢辯曰舜舞干戚兮天下歸文德遠被莫不思鄭道昭

曰皇風一鼓兮九地匝戴日依天清六合帝又歌曰遵

彼汝墳兮昔化貞未若今日道風明帝乃命邢辯總集

敘記魏書馮熙造寺于北邙山賈元素作碑文帝遊寺見

廿二史劄記 卷十四 魏齊周隋晉并北史

三

之稱爲佳作熙卒帝親爲作誌銘馮帝以馮誕爲司徒

親爲製三讓表并啟將拜又代爲謝章誕卒又親爲碑

文及挽歌皆窮美盡哀魏書又常遊幸憇大松下謂彭城

王勰曰汝可作詩比至吾聞合就也勰去帝十步且行

且作曰問松林松林經幾冬山川何如昔風雲與古同

未至帝所已成帝又嘗御清徽堂與羣臣講喪服李彪

曰古未有君親講喪禮臣得親承音問千載一時魏書

劉昶出鎮彭城帝賜以御集曰雖則不文然欲罷不能

故以相示聊爲一笑魏書崔挺至行在帝謂曰別卿以來

修焉二載吾所綴文已成一集今當給卿副本魏書可見

帝深於文學才藻天成有不能自諱者雖亦才人習氣

然聰睿固不可及已其急于遷洛欲變國俗而習華風
蓋發于性靈而不自止也



廿二史劄記卷十五

陽湖 趙翼 雲崧

北朝經學

六朝人雖以詞藻相尚然北朝治經者尚多專門名家蓋自漢末鄭康成以經學教授門下著錄者萬人流風所被士皆以通經績學爲業而上之舉孝廉舉秀才亦多於其中取之故雖經劉石諸朝之亂而士習相承未盡變壞大概元魏時經學以徐遵明爲大宗周隋間以劉炫劉焯爲大宗按北史儒林傳遵明講鄭康成所著易以傳盧景裕崔瑾是遵明深於易也尙書之業遵明所通者鄭注之今文後以授李周仁等是遵明深於尙

廿二史劄記

卷十五

魏齊周隋書并北史

一

書也三禮並出遵明之門傳李鉉祖熊安生是遵明深於禮也館陶趙世業家有服氏春秋乃晉永嘉舊本遵明讀之手撰春秋義章三十卷河北諸儒能通服氏春秋者並出徐生之門遵明傳是遵明又深於春秋也至隋劉焯於賈王馬鄭章句多所是非著有五經述議行世與劉炫齊名時稱二劉炫尤博學多識韋世康問其所能炫曰周禮禮記毛詩尙書公羊左傳孝經論語孔鄭王何服杜等註凡十三家並能講授周易儀禮穀梁用功差少在朝知名之士七十餘皆謂炫所陳不謬是炫之深於諸經也其時治經者各有師承如李鉉從李周仁受毛詩劉子猛受禮記房野受周官儀禮鮮于靈馥

受左氏春秋又受業徐遵明者五年楊注受禮於沈重
受漢書於劉臻劉焯亦受詩於劉軌思受左氏傳於郭
懋問禮於熊安生又以劉智海家多墳籍就之讀十年
此可見諸儒師資有自非同後世裨耳販目之學也其
業既成則各有所著以開後學如劉芳撰鄭元所註周
官儀禮音子寶所註周官音王肅所註尚書音何休所
註公羊音范甯所註穀梁音韋昭國語音各一卷衛冀
隆精服氏左傳難杜預春秋六十三事賈思何又駁冀
隆乖錯者十餘條姚文安難服虔左傳解七十七條名
曰駁妄李崇祖申明服氏名曰釋謬劉獻之撰三禮大
義四卷三傳畧例三卷毛詩序義一卷李鉉撰孝經論
廿二史劄記

卷十五

魏齊周隋書并北史

二

語毛詩三禮義疏及三傳異同周易義例合三十餘卷
沈重著周禮義三十一卷儀禮義三十五卷禮記義三
十卷毛詩義二十八卷喪服經義五卷周禮音儀禮音
各一卷禮記音毛詩音各二卷樊深撰孝經喪服問各
一卷七經異同三卷熊安生撰周禮禮記義疏各三十
卷樂遜著孝經論語毛詩左氏春秋序論十餘篇又著
春秋序義通賈服說發杜氏違劉炫著春秋攻昧十卷
五經正名十三卷孝經述議五卷春秋述議二十卷毛
詩述議四十卷魯世達撰毛詩章句義疏四十三卷張
仲撰春秋義畧異於杜氏者七十餘事及喪服義三卷
孝經義三卷論語義三卷此又可見當時治經者各有

心得筆之于書非如後世記問掇拾之學也其所以多務實學者固由於士習之古亦上之人有以作興之梁越通經道武帝命授諸皇子經官上大夫盧醜當太武帝時以通經官中書侍郎張靈暉通經南陽王綽奏以爲王師官三品孝文帝尤重儒學尊三老五更又開皇子之學劉芳李彪諸人皆以經書進用董徽通經宣武帝徵入璇華宮爲諸王師此元魏之崇尚經學也李鉉邢峙皆以通經齊文宣帝詔授太子經馮敬德博學武成帝爲後主擇師命爲侍講其子元熙又以孝經授緯太子此高齊雖荒亂亦尙知以經術訓子也周武帝以

廿二史劄記

卷十五

魏齊周隋書并北史

三

沈重經學授驃騎大將軍開府儀同三司熊安生在齊精三禮周武帝滅齊安生遽令掃門家人怪之安生曰周帝崇儒重道必來見我已而果至樂遜通經節閔帝命爲小師氏自燕王儉以下並束修行弟子禮此宇文周之崇尚經學也

以上俱見各本傳

下至僭偽諸國亦有重儒術

者姚興時者儒姜龕淳于岐等經明行修教授長安諸生皆自遠而至興每引龕等講論道藝胡辨講授洛陽關中諸生赴之者輒勅關尉勿稽其出入於是學者咸勸儒風振焉劉延明深於經學涼武昭王以爲儒林祭酒及沮渠蒙遜平酒泉亦躬往致禮至牧犍又尊爲國師親自致拜焉蒙遜平酒泉時又以宋繇傳通經籍特

擢之曰不喜克李氏喜得宋繇耳蒙遜又以闕駟通經甚重之常令在左右訪以政事收掣待之愈重又程駿有文學收掣擢爲東宮侍講皆見晉書載記可見北朝偏安竊據之國亦知以經術爲重在土者旣以此取士士亦爭務於此以應上之求故北朝經學較南朝稍盛實上之人有以作興之也

宋書南朝經學

南朝經學本不如北兼以上之人不以此爲重故習業益少統計數朝惟蕭齊之初及梁武四十餘年間儒學稍盛齊書劉瓛傳謂晉尙元言宋尙文章故經學不純齊高帝少爲諸生卽位後王儉爲輔又長於經禮是以

廿二史劄記

卷十五

魏齊周隋書并北史

四

儒學大振建武以後則日漸衰廢梁書姚察論曰崔伏何巖等遭梁之崇儒重道皆至高官稽古之力諸儒親遇之陳書儒林傳序亦謂梁武開五館建國學置博士以五經教授帝每臨幸親自試胄故極一時之盛陳初未遑勸課間有以經學名者亦皆梁之遺儒云益可見經學之盛衰總由於上之輕重也今并敘南朝經學諸儒所著述於此伏曼容著周易毛詩喪服集解論語義何佟之著禮義百餘篇嚴植之撰凶禮儀注四百七十九卷賀瑒著賓禮儀注一百四十五卷其子革亦通三禮又兼治孝經論語毛詩左傳崔靈恩集註毛詩二十卷集註周禮四十卷三禮義宗四十七卷左氏經傳

義二十三卷左氏條例十卷公羊穀梁文句義十卷孔子祜著尙書義二十卷集註尙書三十卷續朱异集註周易一百卷續何承天集禮論一百五十卷皇侃撰論語義十卷何允著周易十卷毛詩總集六卷毛詩隱義十卷禮記隱義二十卷禮答問五十五卷王元規著春秋發題辭及義記十一卷續經典大義十四卷孝經義二卷左傳音三卷禮記音三卷張譏撰周易義三十卷尙書義十五卷毛詩義二十卷孝經義八卷論語義二十卷顧越著喪服毛詩孝經等義疏四十卷沈不害著五禮儀一百卷而宋懷方戚袞并自魏入梁以各其家懷方自魏携儀禮禮記疏秘惜不傳臨死謂家人曰戚

廿二史劄記

卷十五 魏齊周隋書并北史

五

袞若來以此付之否則殉葬戚袞在梁亦著三禮義記遭亂亡失惟禮記義四十卷行於世其時自北來者崔君恩宋懷方戚袞外尙有孫祥蔣顯等並講學而音辭鄙拙惟盧廣言論清雅不類北人是可見梁武之世不特江左諸儒崇習經學而北人之深於經者亦聞風而來此南朝經學之極盛也

後魏多家庭之變

穆帝爲其子六脩所弑昭成帝爲其子實君所弑道武帝爲其子清河王紹所弑太武帝爲中常侍宗愛所弑獻文帝爲其母文明太后所害孝明帝亦爲其母胡太后所害統討後魏諸帝不得令終者凡六人而禍皆出

於家庭之間蓋剛戾性成其俗固然也

魏齊諸帝皆早生子

魏道武帝十五歲生明元帝景穆太子十三歲生文成帝文成十五歲生獻文帝獻文十三歲生孝文帝北齊後主緯十四歲生子恒緯弟儼被誅時年十四已有遺腹子四人按高澄年十二尙魏孝靜帝妹馮翊長公主蓋魏齊之間皇子皆早娶故生子亦早

魏諸帝多幼年卽位

魏道武帝年六歲卽位太武帝十六歲卽位文成帝十三歲卽位獻文帝十一歲卽位孝文帝五歲卽位宣武帝十七歲卽位孝明帝六歲卽位

廿二史劄記

卷十五

魏齊周隋書并北史

六

元魏時人多以神將爲名

北朝時人多有以神將爲名者魏北地王世子名鍾葵元义本名夜义其弟羅本名羅刹孝文時又有奄人高菩薩爾朱榮子一名义羅一名文殊梁蕭淵藻小名迦葉隋時漢王諒反其將有喬鍾葵隋末有賊帥宋金剛唐武后時嶺南討擊使上二闕兒一曰金剛一曰力士卽高力士也

財婚

魏齊之時婚嫁多以財幣相尙蓋其始高門與卑族爲婚利其所有財賄紛遺其後遂成風俗凡婚嫁無不以財幣爲事爭多競少恬不爲怪也魏文成帝嘗詔曰貴

族之門多不奉法或貪利財賄無所選擇令貴賤不分
虧損人倫何以示後此可見財婚由來久矣封述傳述
爲子娶李士元女大輸財聘及將成禮猶競懸違述忽
取所供像對士元打碎爲誓士元笑曰封翁何處常得
此應急像須誓便用述又爲次子娶盧莊女述訴府云
送騾乃嫌脚踏評田則云鹹薄銅器又嫌古廢皆爲財
聘以致紛紜可以見是時習尚也

齊書高門士女

北齊書郭瓊以罪死其子婦范陽盧道虞女也沒官齊

神武以賜陳元康爲妻元康地寒時人以爲殊賞元康孫

舉爲神武所寵賜妻韋氏既士人女兼有色貌時人榮

廿二史劄記

卷十五

魏齊周隋書并北史

七

之傳魏魏太常劉芳女中書郎崔肇師女其夫家皆坐事

齊文宣並以賜魏收爲妻人比之賈充置左右夫人傳收

魏齊斗秤

漢書匈奴傳嚴尤諫王莽伐匈奴曰調兵出塞計一人
三百日食用糒十八斛晉書傅元傳魏初課田功白田
收十餘斛水田收至數十斛宋書劉劭傳每二萬人歲
食米四十八萬斛此非古人所食之多田之所收者廣
也乃古之斗斛小耳又晉摯虞傳陳總掘地得古尺尙
書奏今尺長於古尺宜以古尺爲準是古時尺度亦短
其大斗長尺及重秤則起於魏齊周隋之間孔穎達正
義魏齊斗秤於古二而爲一周隋斗秤於古三而爲一

顧寧人所謂古今斗尺權量之一大變局也然卽以魏而論其制亦先後不同魏初斗秤亦大自孝文帝遷洛後詔改長尺大斗依周禮制度班之天下本是斗秤全

以古制爲準並無所謂以二爲一也孝文之後又日漸加增按張普惠傳孝明帝時尙書欲復綿麻之征普惠

疏曰高祖廢大斗去長尺改重秤本以愛民而軍國需綿麻之用故絹上加稅綿八兩布上加稅麻十五斤其

時百姓免長尺大斗重秤之苦故樂於供輸其後尺漸長濶而綿麻又徵以致百姓嗟怨自後大臣不知去其

幅廣度長及秤重斗大而特免綿麻之征以苟悅天下之心所謂悅之不以其道也然則魏斗秤自孝文改從

廿二史劄記

卷十五

魏齊周隋書并北史

八

周制後仍未久而變類達所謂二而爲一者蓋宣武孝明時已變之制也餘見陔餘叢考

假官

後魏孝靜帝時吏部令史張永和崔濶等僞假入官事覺糺撿首者六萬餘人本此在荒亂之朝吏弊官邪固

無足怪至隋文帝以綜核爲政宜無敢有作僞者矣乃有向道力者僞作高平郡守將之官薛曹遇諸途疑之

使主簿按問有徐俱羅者先爲海陵郡守已爲道力所代秩滿而公私未悟俱羅亦曰道力已代我二任使君

豈容疑之曹不聽遽收道力道力果引服薛曹郡守非卑秩任滿非暫時乃作僞而莫之悟亦可見法網之疎矣

然亦有不可信者彼既爲僞守則真守何在豈肯聽人之假冒數年而不出理者恐作史者之謾聞也

周隋唐皆出自武川

兩間王氣流轉不常有時厚集其力於一處則帝王出焉如南北朝分裂其氣亦各有所聚晉之亡則劉裕生於京口蕭道成蕭衍生於武進之南蘭陵陳霸先生於吳興其地皆在數百里內魏之亡則周隋唐三代之祖皆出於武川宇文泰四世祖陵由鮮卑遷武川陵生系生韜韜生肱肱生泰是爲周文帝楊堅五世祖元素家於武川元素生惠徽惠徽生烈烈生禎禎生忠忠生堅是爲隋文帝李淵三世祖熙家於武川熙生天賜天

廿二史劄記

卷十五

魏齊周隋書并北史

九

賜生虎虎生炳炳生淵是爲唐高祖區區一彈丸之地出三代帝王周幅員尙小隋唐則大一統者共三百餘年豈非王氣所聚碩大繁滋也哉

北齊以廝役爲縣令

後魏光宅中原頗以吏治爲意如明元帝神瑞元年詔使者巡行諸州閭守令資財非自家所費悉簿爲贓二年又詔刺史守令脩述今年租調者罰出家財以充不得發於民太武帝行幸中山免守宰貪汚者數十人神麀元年以天下守宰多非法精選忠良悉代之太延三年又詔天下吏民得告守令之不法者是皆能整飭官吏不至猥濫及其末造國亂政消權移於下遂至宰

縣者多厮役士流皆耻爲之人北齊其風更甚僕射元文遙深見其弊奏縣令乃治民之官請革其選於是密令搜揚貴游子弟發敕用之猶恐其披訴乃召集神武門外令趙郡王儼宣旨唱名厚加慰諭遣之十人爲縣自此始元文遙傳自是李仲舉盧昌衡等八人以門資並見徵用仲舉爲脩武令人號曰寬明昌衡爲平恩令人號曰恩明時稱盧李之政李仲舉傳以親民之官而寄之厮役衰亂之朝何事茂有此亦可以觀世變也

按晉書趙王倫篡位時奴卒厮役亦加爵位每朝會貂蟬滿座時人語曰貂不足狗尾續又會稽王道子傳孝武不親萬機與道子酣飲如姆尼僧尤爲親昵

廿二史劄記

卷十五

魏齊周隋書并北史

十

竊弄其權許榮上疏曰今臺府局吏直衛武官凡僕隸婢兒取母之姓者本賊獲之徒無鄉邑品第皆得用爲郡守縣令云云嬖人趙牙出自倡優道子以爲魏郡太守茹千秋本捕賊吏爲諮議參軍是又在北齊以前故事也

齊文宣帝能預知

齊文宣帝沉湎於酒昏醉如癡沉酣既久遂虧本性然時或發言屢中故時人謂之神靈嘗問泰山道士曰吾得爲幾年天子答曰得三十年帝謂李后曰十年十月十日得非三十乎吾甚畏之果以天保十年十月十日崩先是帝令邢邵爲太子制名名殷字正道文宣尤之

曰殷家兒終弟及正字一止吾身後兒不得也邵懼請改名帝不許曰天也因謂昭帝即昭曰奪時但奪慎勿殺也後殷卽位未一年爲孝昭所廢尋又害之覺定州城西門久閉不開文宣過之或請開門文宣不許曰當有聖人啟之後隋文帝從周武平齊除定州總管至定州開此門人人莫不驚異後果登大位隋書

北齊宮闈之醜

古來宮闈之亂未有如北齊者神武以篡竊起事本不知有倫理魏莊帝后爾朱氏榮之女也建明帝后小爾朱氏兆之女也以及魏廣平王妃鄭氏名大車任城王妃馮氏城陽王妃李氏皆魏宗室之妃魏亡後神武一

廿二史劄記

卷十五

魏齊周隋書并北史

十一

一納之是開國之初已肆情蕩檢長子文襄高踵其淫風以薛寘妻元氏有色迎入欲逼之元氏正詞哭拒文襄使崔季舒送付廷尉罪之陸操曰廷尉守法須知罪狀文襄怒以刀環築操又高慎妻美文襄挑之不從衣盡破裂奔以告慎慎遂降西魏慎妻不及從入逆口中文襄盛服見之乃從焉又納孫騰妓元玉儀封琅琊公主玉儀姊靜儀黃門郎崔括妻也文襄奪之亦封公主括由是見擢文襄又與神武妃鄭氏即私通爲婢所告賴司馬子如掩覆而事寢文襄又烝於神武之妻蠕蠕公主生一女此文襄之所爲也文宣高篡位後文襄后元氏居靜德宮文宣曰兄昔姦我婦我今須報乃淫於

后崔修妻王氏文宣幸之納爲嬪媼女薛氏舊爲清河王岳所好尋入宮爲嬪又納其姊後帝知其曾與岳通姊妹俱被殺永安王浚上黨王渙帝親弟也使蒼頭劉郁捷殺浚卽以浚妃妻之馮文洛殺渙卽以渙妃妻之凡高氏婦女無親疎皆令左右亂交之帝又自呈露以示羣下此文宣之所爲也武成帝高踐祚以文宣后李氏有容德逼與淫亂曰若不許我當殺爾兒紹德后懼從之後有娠紹德至閤不得見紹德愠曰姊姊腹大故不見我齊中傳后慚由是生女不舉武成怒曰爾殺我女

我何爲不殺爾兒遂對后築殺紹德并裸后而撻之送妙勝寺爲尼武成又納魏靜帝嬪李氏文宣嬪王氏及

廿二史劄記

十五

魏齊周隋書并北史

士

文宣所幸彭樂女任祥女皆爲夫人此武成之所爲也一門之中父子兄弟俱荒於色如此何以垂法宜乎宮闈相習成風如神武在時鄭妃已通於文襄及歿後蠕蠕公主亦爲文襄所烝而文襄后又爲文宣所污文宣后又爲武成所污甚至武成后胡氏當武成時已與闔人襄狎又與和士開握槊遂通士開武成崩后數詣佛寺與沙門曇獻通僧徒至戲曇獻爲太上後主問太后不謹而未之信見太后有二尼侍召之則男子也於是尼及曇獻俱正法齊亡後胡后入周恣行奸穢孝昭帝高在位時尚無穢行其后王氏齊亡後亦入周宮中隋文帝作相始放還山東後主緯於宗族中尙無帷薄

之醜史謂其稍優於武成然國亡後其后斛律氏先廢
爲尼者改嫁元仁爲妻繼后胡氏亦改嫁所寵宮婢馮
小憐曾立爲后後主向周武帝乞之武帝仍以賜後主
後主遇害以小憐賜代王達譖達妃幾死隋文帝以賜
達妃兄李詢令着布裙配春詢毋逼令自殺此妃后之
辱也又後主庶兄南陽王綽妃鄭氏入周宮爲武帝所
幸後主母弟儼妃李氏曾進封楚帝后至是亦改嫁焉
他如浚渙之妃爲蒼頭所辱神武又有子華山王凝最
孱弱其妃王氏亦與蒼頭姦凝知而不能禁後事發王
氏賜死可見北齊中葇之醜本習爲故常恬不知怪而
天道之報施所謂淫人妻女妻女淫人者亦昭然可見

廿二史劄記

卷十五

魏齊周隋書并北史

十三

也觀後周諸帝后當隋革命後俱無失節者孝閔帝后
元氏出居里第武帝后阿史那氏至開皇中祖又后李
氏出家爲尼改名常悲宣帝楊后隋文帝女也帝欲奪
其志不許又有四后朱氏陳氏元氏尉遲氏皆出家爲
尼朱名法淨陳名華光尉遲氏名華首皆完節待死絕
無醜聲良由宇文泰開國時早能尊用周禮家庭之內
不越檢閑故雖亡國而無遺玷然則整飭人物之主可
不納身於軌物哉

魏齊周隋書并北史

元孝友傳疏言將相多尙公主王侯率娶后族故無妾
媵習以爲常舉朝畧是無妾天下始皆一妻父母嫁女

必教之以妬姑姊逢迎必相勸以忌以劫制爲婦德能
妬爲女工自云受人欺畏人笑我可見是時風俗如此
按西漢時王吉上疏言漢家故事列侯尚公諸侯
則國人承翁主使男事女夫拙於婦逆陰陽之位故
多女亂是漢時已有此陋習

北齊有賢閹

北齊有宦者田敬宣年十四五好讀書旣爲閹寺得暇
便至文林館問書之外無他語見古人節義事未嘗不
感激沉吟後主緯懼周師之逼奔於青州使之偵伺爲
周軍所獲問後主所在給曰已去捶之每折一肢辭色
逾厲竟斷四體而卒宦寺之賢世所傳不過呂強張承
廿二史劄記卷十五魏齊周隋書并北史 尚

業而不知尙有此人也故特表而出之

風 誦經獲報

佛教在六朝時最爲人所信嚮各史所載雖似近於怪
妄然其教一入中國卽能使天下靡然從風是必實有
聳人觀聽者非徒恃談空說寂也今略撮於左徐義爲
慕容承所獲埋其足於土中將殺之義誦觀世音經至
夜土開械脫若有人導之者遂奔於楊佺期魏書宋王元

謨棄滑臺將爲蕭斌所殺夢人告曰誦觀音經千遍則

免旣覺誦之明日將就戮忽傳旨停刑宋書王元謨傳後魏崔浩

非毀佛法其妻郭氏敬好釋典浩怒焚而投灰於廁中

後浩以史事族誅人以爲謗佛之報魏書崔浩傳漢明帝時西

域以白馬馱佛經送洛因立白馬寺其經兩形製古樸
世以爲古物厯代寶之韓賢故斫破之未幾因戰爲敗

兵斫脛而死論者謂因破經函致禍魏書韓賢傳魏孝文囚道

人法秀加以籠頭鐵鎖無故自脫南齊書魏虜傳盧景裕繫獄至

心誦經枷鎖自脫時又有文人負罪當死夢沙門教誦

經覺時如所夢誦千遍臨刑刀折主者以問赦之此經

遂行號曰高王觀世音經北齊書盧景裕傳張元以祖喪明誦藥

師經見盲者得視之言乃請七僧燃七燈轉藥師經誓

以燈光普施法界如此七日夜夢老翁以金篦療其祖

目三日後左目果明北史孝行傳盧光從周文帝狩於檀臺帝

遙指山上謂羣公曰有所見否咸曰無所見光獨曰見

廿二史劄記 卷十五 魏齊周隋書并北史 五

一沙門帝曰是也令光於沙門立處造浮圖掘基一丈

得瓦鉢錫杖各一帝因立寺焉周書盧光傳後梁甄元成有罪

當誅蕭奮誓不殺誦法華經人元成素誦此經遂得免

奮後見之曰甄公好得法華經力魏書此皆載於正史未

必盡誣蓋一教之興能聳動天下後世者其始亦必有

異人異術神奇靈驗如佛圖澄鳩摩羅什之類能使人

立信之士丈夫亦趨之是以震耀遍天下而流布於無

窮不然則何以起人皈依也然則史所記誦經獲報諸

事或當時實有之非盡誣也今錄鳩摩羅什及佛圖澄

二傳於後

鳩摩羅什在胎時其母慧解異常年七歲母遂與同

出家羅什日誦千偈傷三十二言凡三萬二千言母亦自通後事以大乘爲化學者皆師之年二十龜茲王迎之其母辭去謂羅什曰方等深教不可思議傳之東土惟爾之力母至天竺道成進登第三果苻堅問羅什名密有迎之之意太史奏有星見外國當有大智入輔中國堅遣呂光伐龜茲謂光曰若獲羅什卽驂送之光軍破龜茲城獲羅什俱還涼州

出城外光曰此所謂佛也胡神出則城必破矣遂交克之光父子不信其道姚興迎之入秦

羅什覽中土舊經多有紕繆興乃使沙門僧叡等翻譯傳寫羅什好大乘志在敷演每歎深識者寡惟爲興著實相三論興贈以宮女一交而生二子諸僧多

廿二史劄記 卷十五 魏齊周隋書并北史 六

欲效之取妻羅什聚針盈鉢謂諸僧曰若能效我食此者乃可畜室耳因食針盡諸僧愧服乃止

羅子曰所胡奴頭羅什曰不祈胡奴頭胡奴所人頭後寫爲呂超所殺胡奴超小字也事見晉書載記佛圖澄誦神咒能

役使鬼神腹旁有一孔常以絮塞之夜則拔絮孔中出光照二室又常至流水則從腹孔中引出五臟六

腑洗之仍納腹中又能聽鈴音占吉凶無不驗石勒召試以道術卽取鉢盛水咒之鉢中出青蓮花光色

耀目勒以此信之勒嘗有意害澄澄輒避去語弟子曰若將軍來召則荅云不知所在使者果然還報勒

驚曰吾有惡意澄輒知之因悔思見澄澄明日造勒勒問昨夜何避澄曰昨公有惡心故避今有善意故

來襄國城外水源竭勒問何以取水澄曰今當救藹
取水乃至故泉源燒香祝數百言水泫然微流有小
龍隨水而來有頃水大至隍塹皆滿段末波來攻兵
勢甚盛勒頗懼澄曰鈴音云明日當擒末波已而果
然劉岳來攻石虎拒之岳保石梁塢澄在襄國忽曰
昨日亥時岳已被執已而果然劉曜攻洛陽石勒將
救之澄曰相輪鈴音云秀支替戾厠僕谷劬禿當謂
此行捉得曜也勒果擒曜勒愛子斌暴死勒告澄澄
取楊枝沾水洒之執斌手曰可以起矣斌遂活澄在
鄴常遣弟子法常至襄國途遇其弟子法佐夜談言
及和尚法佐歸澄卽笑曰昨夜與法常共說汝師耶

廿二史劄記

卷十五

魏齊周隋書并北史

七

佐愕然愧懺由是國人相語莫起惡心和尙知汝澄
之所在莫敢向其方面涕唾者澄將死謂弟子法祚
曰戊申歲禍亂起已酉石氏當滅吾及其未亂先從
化矣遂卒後有人見澄入關石虎掘其塚視之惟有一
石惡之曰石者朕也葬我而去吾將死矣因遇疾
而死果大亂

後周詔誥用尙書體

漢武冊封三王詔本彷彿尙書體見褚少孫所補史記及
漢書武五王子傳王莽好彷彿尙書作詔誥今見于漢書
翟義傳者居攝時莽因翟義等起兵匡復漢室莽大懼
乃依周書作大誥曰居攝二年十月甲子攝皇帝若曰

大誥爾諸侯王三公列侯于汝卿大夫元士御事不弔
天降喪于趙傅丁董洪惟我幼冲孺子當承繼嗣無疆
大厯服事予未遭其明愆能道民于安况其能往知天
命熙我念孺子若涉淵冰予惟往求朕所濟度奔走以
傳近奉承高皇帝所受命予豈敢自比于前人天降威
明用寧帝室遺我居攝寶龜太皇太后以丹石之符廼
紹天明意詔予卽命居攝踐阼如周公故事反虜翟義
擅興師動衆曰有大難于西土西土人亦不靖于是動
嚴鄉侯信誣敢犯亂祖宗之序天降威遣我寶龜固知
我國有眚災使民不安是天反右我漢國也粵其聞日
宗室之雋有四百人民獻儀九萬夫予敬以終于此謀

廿二史劄記

卷十五

漢書并北史

六

繼嗣圖功我有大事休予卜并吉故我出大將告郡太
守諸侯相令長曰予得吉卜予惟汝于伐東郡嚴鄉逋
播臣爾國君或者無不反曰難大民亦不靜亦惟在帝
宮諸侯宗室于小子族父敬不可征帝不違卜故予爲
冲人長思厥難曰嗚呼義信所犯誠動寡哀哉予遭
天役遭大解難于予身以爲孺子不身自郵予義彼國
君泉陵侯上書曰成王幼弱周公踐天子位以治天下
六年朝諸侯于明堂制禮樂班度量而天下大服太皇
太后承順天心成居攝之義皇太子爲孝平皇帝子年
在襁褓宜且爲予知爲人子道令皇太后得加慈母恩
畜養成就加元服然後復于明辟熙爲我孺子之故予

惟趙傳丁董之亂過絕繼嗣變劉適庶危亂漢朝以成
三厄隊極厥命嗚呼害其可不旅力同心戒之哉予不
敢僭上帝命天休于安帝室興我漢國惟卜克綏受茲
命今天其相民况亦惟卜用太皇太后肇有元城沙鹿
之右陰精女主聖明之祥配元生成以祐我帝室以安
我大宗以紹我後嗣以維我漢功厥害適統不宗元緒
者辟不違親辜不避戚夫豈不愛亦惟帝室是以廣立
王侯並建曾元俾屏我京師綏撫宇內天慈勞我成功
所予不敢不極卒安皇帝之所圖事肆予告我諸侯王
列侯卿大夫元士御事天輔誠辭天其累我以民予曷
敢不于祖宗安人圖功所終天亦惟勞我民若有疾予

廿二史劄記

卷十五

魏齊別隋書并北史

九

害敢不于祖宗所受休輔若考作室厥子堂而構之厥
父菑厥子播而穫之予害敢不于身撫祖宗所受天命
予永念曰天惟喪翬義劉信若膏夫予害敢不終予晦
天亦惟休于祖宗予害其極卜敢不卜從率寧人有旨
疆土况今卜并吉故予大以爾東征命不僭差下陳惟
若此云云文句全用尚書此蓋劉歆等爲之弄筆也字
文泰在西魏當國時從蘇綽之言官制彷彿周禮詔誥亦
彷彿書其官制至魏恭帝時始奏行之而詔誥則大統
中已大變駢麗之習因魏帝祭廟羣臣畢至命蘇綽作
大誥頒行之自後文筆皆依此體其詞曰惟中興十有
一年仲夏庶邦百辟咸會於王庭六月丁巳皇帝朝格

於太廟比厥具僚罔不在位皇帝若曰咨我元輔羣公
列將百辟卿士庶尹御事朕惟敷祖宗之靈命稽於先
王之典訓以大誥於爾在位昔我太祖神皇帝肇膺明
命以創我皇基烈祖景宗廓開四表底定武功暨乎文
祖誕敷文德冀惟武考不賞其舊自時厥後陵夷之弊
用興大難於彼東邱則我黎人咸墜塗炭惟台一人繼
戎下武夙夜祇畏若涉大川罔識攸濟是用稽於帝典
揆於王庭拯我民瘼惟彼哲王示我通訓曰天生蒸民
罔克自又上帝降鑒嶽聖植元后以又之惟時元后弗
克獨又博求明德命百辟羣吏以佐之肆天之命辟辟
之命官惟以卹民弗惟逸念辟惟元首庶黎惟趾股肱

廿二史劄記

卷十五

魏齊房隋書并北史

惟弼上下一體各勤攸司茲用克臻於皇極故其曩訓
曰后克艱厥后臣克艱厥臣政廼又今台一人膺天之
般既陟元后股肱百辟又服我國家之命罔不咸守厥
職嗟夫后弗艱厥后臣弗艱厥臣于政何弗教嗚呼艱
哉凡爾在位其敬聽朕命詩討高歡時誓師曰與爾有
衆奉天威誅暴亂惟爾士整爾甲兵戒爾戎士無貪財
以輕敵無暴民以作威用命則有賞不用命則有戮爾
衆士其勉之其黜廢帝而立恭帝也又命盧辨作誥諭
羣臣曰嗚呼我羣后暨爾衆士維文皇帝以襁褓之嗣
託于予訓之誨之庶厥有成而予罔能變厥心庸暨乎
廢墜我文皇帝之志嗚呼茲咎予其焉避予實知之矧

爾衆入之心哉惟予之顏豈惟今厚將恐來世以予爲

口實

俱載本紀

及宇文泰歿後魏恭帝禪位於周孝閔帝詔

曰予聞皇天之命不於常惟歸於德故堯授舜舜授禹
時宜也天厭我魏邦垂變以告惟予罔弗知予雖不明
敢弗冀天命格有德我今踵唐虞舊典禪位於周庸布
告爾焉又使大宗伯趙貴奉冊曰咨爾周公帝王之位
弗常有德者受命時乃天道予式時庸荒求於唐虞之
遺踵曰我魏德之終舊矣我封小太罔弗知今其可亢
拂於天道而不歸於有德歟時用詢謀僉同曰公昭考
文公格勲德於天地不濟黔黎洎公又躬宣重光故元
象見於上謳訟奔走於下天之歷數用實在焉予安敢

廿二史劄記

卷十五

魏齊周隋書并北史

三

弗若是以欽祗聖典遜位於公公其享茲天命保有萬
國可不慎與

本紀

是時宇文泰已歿而詔諭如此蓋朝廷

之上用尙書作詔久已相習爲常故也當六朝時駢體
盛行而縛等獨能復古可謂轉移風氣者矣然時會所
趨積而難返及宣帝卽位修洛陽之詔傳位太子之詔
已用當時文體迨隋文帝時去周不過一二十年而李諤
奏文體卑靡云競一字之奇爭一字之巧連篇累牘不
出月露之形積案盈箱盡是風雲之狀世俗以此相高
朝廷據茲擢士至於義皇舜禹之典伊傅周孔之說不
復關心何嘗入耳則周時雖暫用古體而世之爲文者
駢麗自如風會所開聰明日啟爭新鬪巧遂成世運固

非功令所能禁也

魏末周初無年號

自漢武帝創置年號便於記事誠萬世不易之良法然後世有不用年號者周書崔宣猷傳明帝卽位依周禮稱天王不建年號宣猷請仍用以紀事乃從之是周明帝卽位之初無年號也然不始於此按西魏廢帝及恭帝皆無年號其時宇文泰當國專用周禮故不設年號但稱元年二年周孝閔帝禪代亦因之直至明帝三年因宣猷奏乃復用年號耳

隋書志

隋書本無志今之志乃合記梁陳齊周隋之事舊名五

廿二史劄記

卷十五

魏齊周隋書并北史

三

代史志別自單行其後附入隋書然究不可謂隋志也自開皇仁壽時王劭爲隋書八十卷以類相從至編年紀傳尙闕唐武德五年今狐德棻奏修五代史

梁陳齊周隋 詔

封德彞顏師古修隋書歷年不就而罷貞觀三年又詔

魏徵修之房元齡爲監修徵又奏顏師古孔穎達許敬

宗同撰序論皆徵所作凡帝紀五列傳五十年正月

上之此隋書也十五年又詔于志寧李淳風韋安仁李

延壽同修五代史志凡成十志三十卷顯慶元年長孫

无忌等上之此五代史志也說見劉攽校利時所記

一帝數后

一帝一后禮也至荒亂之朝則漫無法紀有同時立數

后者孫綽之夫人滕氏無寵長秋宮僚備員而已而內諸姬佩皇后璽綬者甚多

三國志

劉聰僭位立其妻呼延氏

為皇后后死納劉殷女為皇后后死又納靳華女為皇

后未幾進為上皇后而立貴妃劉氏為左皇后貴嬪劉

氏為右皇后又立樊氏為上皇后四后之外佩皇后璽

綬者又七人後又以宦者王沉養女為左皇后宣懷養

女為中皇后

晉書

後周宣帝初卽位立妃楊氏為皇后其

後自稱天元皇帝又立妃朱氏為天元帝后妃元氏為

天右皇后陳氏為天左皇后尋進楊氏為天元大皇后

朱氏為天大皇后元氏為天右大皇后陳氏為天左大

皇后陳氏又改為天中大皇后而以妃尉遲氏為天左

廿二史劄記

卷十五

魏齊周隋書并北史

三

大皇后

後周書本紀

隋文帝殺宇文氏子孫

古來得天下之易未有如隋文帝者以婦翁之親值周

宣帝早殂結鄭譯等矯詔入輔政遂安坐而讓帝位其

時雖有尉遲迥宇文胄石愨席毗王謙司馬消難等起

兵匡復隋文猶假周之國力不半載殄滅之于是大權

在手宇文氏子孫以次誅殺殆無遺種今以周書考之

周文帝子除宋公震謙王儉冀公通先卒衛王直先以

罪誅外趙王招陳王純越王盛代王達滕王道皆被殺

而并殺招子員貫乾銑乾鈴乾鑑等純子謙讓議等盛

子忱悰恢愜忻等達子執轉等道子祐裕禮禧等而震

之子實儉之子乾暉通子約亦皆被殺于是周文帝子孫盡矣節閔帝一子康先死其子湜亦被殺于是節閔子孫又盡矣明帝子畢王賢艷王貞皆被殺并殺賢子宏文恭道樹孌等貞子德文等于是明帝子孫亦盡矣武帝子漢王贄秦王贄曹王允道王充蔡王兌荆王元皆被殺并殺贄子道德道智道義等贄子忠誠靖智靖仁等餘本無子于是武帝子孫盡矣宣帝子靜帝旣爲隋文所害餘子鄴王衍郢王術皆幼而被殺于是宣帝子孫又盡矣其宗室內宇文胄以起兵應尉遲迥被殺又宇文洽宇文椿及子道宗本仁麟武子禮獻等宇文衆及子仲和孰倫等皆被殺惟宇文洛以疎屬幼年得

廿二史劄記

卷十五

魏齊周隋書并北史

七

封介國公以爲隋賓未幾又斃之於是宇文之宗族亦無在者竊入之國而戕其子孫至無遺類此其殘忍慘毒豈復稍有人心其後隋文帝五子長太子勇被廢後賜死次煬帝爲宇文化及所弑次秦王俊先卒次越王秀廢錮死江都之難次漢王諒以反誅計五子中除秦王俊外無一非不得其死者而勇子十儼以酖死裕筠疑恪該嬰孝實孝範皆貶嶺外杖死俊子浩湛及秀諒之子皆爲化及所害煬帝三子長太子昭先卒次齊王暕次趙王杲皆死江都之難無子而昭子代王侑爲昏所立未幾禪位封鄴國公不數月而殂次燕王倓亦遇害于江都次越王侗稱號東都爲王世充所弑于是煬

帝之子孫亦無遺種矣惟齊王暕有一遺腹子愍隨蕭太后入突厥後歸于唐官尚衣奉御楊氏之種僅延此一綫而煬帝之死又巧借一姓宇文者之手以斃之與周同姓而非同宗此豈非天道好還之顯然可據者哉

按隋文滅陳不惟陳後主得善終凡陳氏子孫自岳陽王叔慎以抗拒被殺外其餘無一被害者皆配往隴右及河西諸州各給田業以處之同一滅國也於宇文氏則盡殄之於陳氏則悉保全之蓋隋之篡周本不以道與宇文有不兩立之勢且恐有尉遲迥等之起兵匡復者不得不盡絕其根芽至取陳則隋之基業已固陳之子孫又皆孱弱不足慮故不復肆毒也至煬帝以後主第六女爲貴人最寵因召陳氏子孫盡還京隨才敘用由是並爲守宰遍天下此則陳氏開國之初本未甚殺戮故子孫亦少誅夷亦天道之不爽者且叔運將終殺氣漸滅也

隋獨孤后妬及臣子

古來宮闈之妬莫有過於隋獨孤后者不惟妬在己并子與臣之有妾者亦代爲妬之后傳謂後宮罕得進御尉遲迥女没入宮帝私幸之后伺帝聽朝卽陰殺之凡諸王及朝臣有妾孕者必勸帝斥之皇太子勇多內寵其妃元氏暴崩疑太子寵妾雲氏而害之由是諷帝廢太子高嬪妻死后欲爲娶繼室嬪辭以老後嬪妾生子

后惡之譖頰于帝遂黜死

隋書后妃傳

按太子勇傳勇多內寵

昭訓雲氏尤嬖禮匹於嫡勇妃元氏無寵嘗遇心疾二

日而卒獨孤后竟有他故甚責望後聽晉王廣之譖后

忿然曰覘地伐

泉

漸不可耐我爲娶得元氏女竟不聞

作夫妻專寵阿雲使有如許豚犬新婦本無病忽爾暴

亡我亦不能窮治每思東宮竟無正嫡至尊萬歲後使

汝等向阿雲再拜問訊此是幾許大苦痛耶乃日媒孽

勇之短於帝前遂廢之又高頰傳頰妻死后誦文帝曰

高僕射老矣而喪夫人宜爲之娶帝以告頰頰謝曰臣

今已老惟齋居誦佛經納室實非所願帝乃止後頰妾

生男帝甚爲之喜后謂帝曰陛下尙信頰耶陛下欲爲

廿二史劄記

卷十五

魏齊周隋書并北史

三

娶婦頰心愛妾故而欺陛下今其詐已見安可信之帝

由是疎頰以至賜死子之厚妾薄妻而母惡之此猶是

家庭之恒情至于臣下之有妾亦何與后事乃亦因此

而憾之豈非竒妬哉

